





56.521



~ 6.521





DE SERVIS  
MEDII ÆVI  
IN FORO JULII  
DISSERTATIO

JO: JOSEPH LIRUTI DE VILLAFREDDA

NATALIS F.

SOCII COLUMBARII FLORENTINI.



ROMÆ MDCCLII.

---

TYPIS ET SUMTIBUS  
NICOLAI, ET MARCI PALEARINI  
*Præsidentum Facultate.*





ILLUSTRISSIMÆ AC CELEBERRIMÆ  
ACADEMIÆ SOCIORUM  
COLUMBARIUM  
FLORENTINÆ

JO. JOSEPH LIRUTI DE VILLAFREDDA.

**C**um ex literis Cl. Abbatis Binii hujus Ill<sup>l</sup> n<sup>a</sup>æ  
Academiae Socii, & ex Patentibus, datis  
Florentiæ xxx. proxime elapsi mensis Augusti, cele-  
bribusque Doctissimi, & Clarissimi Viri Antonii  
Francisci Gorii professoris publici & præpositi nomi-  
ne, & manu signatis, certior essem factus, meum  
qualecumque nomen in Album vestræ Celeberrimæ  
Societatis relatum fuisse; honoris non meriti, nec  
unquam sperati magnitudine oppressus, quo me ver-  
terem nesciebam, ut grati animi mei sensus, & ob-  
servantiæ meæ debita argumenta Inclita huic Aca-  
demiæ palam facerem. Res enim, cui parem me non  
esse intelligebam, immo quam longe juxta ingenii  
vires sentiebam, ea est, qua non solum gratiæ honori  
tanto pares haberi possint, sed quæ verbis, quantum  
honoris mihi sit adjunctum, comprehendere possit.  
Sed qualescumque sint ingenioli mei vires; potius  
indocti hominis notam, & ineruditi subire decrevi,  
quam ingrati. Hanc enim proculdubio silentio, quam-

*vis rationabili , quamvis mihi convenienti , certo eram subiturus ; illam forte vel vestra benignitate , vel honore ipso manum dante evasurum me fore auctoror .*

*Hanc igitur Dissertatiunculam , quam barbara Minerva de Servis , barbaro avo in hac Fori Julii provincia vigentibus , præcipiti calamo consarcinavi , Illustriss. Nomini vestro nuncupare decrevi ; Et ut hac grati animi mei , & honoris , a Vobis in me humanissime , & magno animo conlati testis esset , simulque vadis , me non solum quam maximas vobis , Clarissimoque Duci , & Antesignano vestro gratias habere , verum etiam , si quando vires suppetent , aut bonus eventus auxilium præstet , relaturum . Memoremque me futurum , recipio , non Dignitatis tantum , qua me de vulgari hominum coetu exemistis , & in Vestrum , Doctissimorum scilicet Virorum , cooptastis ; sed officiorum quoque & obligationum , quæ mihi locus tantus , & benignitas , humanitasque vestra imposuit ; Atque ad ea adimplenda omni nisu , & totis animi viribus semper incumbam , ut aliqua ex parte ipsi honori , & Vestra de me opinioni satisfaciam . Et ut unus ex Sociis vestris aliquando dignoscar , & me vestris devinctum officiis non omnino immerentem omnes existiment .*



I.

*De Variis servorum speciebus.*

CUM aliud omnino animo agerem , nec quidquam minus mente versarer , amici , & docti viri fortuito impulsu ad ævi barbari Servorum nationem oculos convertere , & cogitationes , fuit necesse . Is a me de Servis , qui eo ævo hac nostra Foro-Julienſi in provincia in usu fuere , Dissertationem flagitavit ; non ut exinde aliquid ipſe notitiæ caperet , plurimum enim & in noſtris barbaræ antiquitatis , & in externis rebus verſatus eſt , & doctus ; ſed ut a me id produceretur , quod de hac noſtræ hiſtoriæ parte ſentirem , quodque mihi forte fortuna ipſi ignotum , in noſtris chartis datum eſſet invenire . Ut ipſi ſtatim tali in petitione morem gererem , non una erat cauſa ; Amico enim flagitanti , & rem honeſtam poſcенти impium , & barbarum recuſare , & negare viſum eſt ; nec inconſuens , ut eodem tempore , quod lucem aſſerre poſſet rebus antiquis noſtris . & in Patriæ meæ illuſtrationem cedere poſſet , viro tali petente , idemtidem facerem . Sed cum manus in adverſaria mea injeſſiſſem , ut quæ propoſito apta eſſent , & convenirent , exciperem , & in opus jam conceptum dedolarem ; animadverti , me operam ludere , & in hoc argumento quaſi penitus me aſſum agere . Reliſtis enim , & ommiſſis Servis , qui Romanorum ævo , pene numero inſiniti , ipſis in omnibus quaſi officiis , & miniſteriis , etiam  
pene

pene liberalibus, famulabantur; de quibus Pignorius, & alii, & ferme omnes Legum Romanarum interpretes assatim disseruere, cum aliis recentioribus; Quot Scriptores de servis medii ævi commentaveri? Unus quorum inter tot post Cangium supereminet Muratorius vir summus, qui tum notis in Leges Langobardorum, & Ripuariorum, & Capitularia Francorum, & ad Chronica Cassinense, Vulturicense, Farsense &c., tum Dissertationibus ad id institutis, omnem hujusmodi Servorum catervam, qui barbaris Italiam occupantibus minore numero serviebant, illustravit; & rem pene tenebris obrutam, in lucem protulit meridianam literatorum hominum. Ab ipso namque docemur, Langobardos, & qui eos sunt secuti, Italiæ invasores, paucis fuisse servis contentos, ut modicis facultatibus, & frugali victu libentissimo animo vitam trahebant; Quorum pars officiis domesticis, & familiæ deputata, *Ministeriales*, a servitio, sive ministerio familiari præstando, appellabantur. Hi bifariam saltem erant divisi, ut ex Lege Rotharis l. Tit. xi Lib. i., erant enim Ministeriales primi, officiis, & ministeriis honestioribus familiæ, & Domini addicti; & alii erant Ministeriales secundi ordinis, qui vilioribus domus servitiis erant adstricti. Hæc de his lex memorata: *Si quis servum ministerialem probatum, ut supra, aut doctum domi occiderit, componat solidos L.; de alio vero servo ministeriali, qui secundus ejus invenitur, & tantum nomen ministeriale habet; si quis occiderit, componat solidos xxv.* Ex quo duplo majoris pretii fuisse ministerialem primum, & honestiorem elicitur, si secundo viliori conferatur. In charta Præposituræ Capituli Civitatis nostræ Forijulii, anno 1253. suppressæ, & extinctæ, editæ quoque a docto P. de Rubeis in suis Monumentis Ecclesiæ Aquilejensis cap. lxxiv. col. 743. plura hujusmodi ministerialium servorum familiarium viliora ser-

servitia recensentur; deputati enim erant singuli, *Ad ministerium coquinæ, ad officium pistoriæ, ad officium scutellarum, ad officium ostiariæ, ad officium olerum coquinæ, ad officium coclearium*; ut ibi memoratur. Sed laudatus ille Pater, nescio qua ratione ductus, hæc officia, sive ministeria Feudatariis ministerialibus adscribit, eos vilissimis istis servitiis omnino inquinans; cum plurimum nobilitatis semper feudis majoribus insit, minoribus vero numquam vilitas, & servitii talis humilitas conveniat. Verum ad id intelligendum de supramemoratis in documento officii documentum ipsum repugnat; illis enim ministerialibus subjunguntur: *Residentes in Mansis, & possessionibus*, qui verisimiliter servi erant *Manentes, vel Coloni, vel de Masnata*, ipsis mansis & possessionibus inhærentes. Partem vero alteram servorum barbari nostri ad agros excolendos dimittebant, & ad pecuariam exercendam.

Hi multifariam dividebantur; tum ratione servitii, quod erat vel infimum, vel medium, vel, ut ita dicam, honestius; tum ratione personæ, quæ vinculo servitutis arctiori stringebatur, vel non parum remisso gaudebat. In hisce ultimis erant *Adscriptitii*, qui & *Homologi, Rustici, Coloni*, & alii; qui nullam aliam servitutis notam habebant, nisi quod agris locatis affixi sine Domini licentia inde migrare non poterant; eandemque fortunam fuisse *Persinentium, & Casatorum*, qui Casis rusticis erant impositi, est in comperto; qui aliquando vassallorum conditionem induebant, Feudis, forte minoribus, a vassis dominicis honorati; cum onere tamen, & debito militiam exercendi, vel pro dominis suis, vel sub comite, cujus districtuales, vel pagenses erant, ut ex capitulari Caroli M. Baluzianæ editionis pag. 495. & ex eo Muratorius Diss. x. Tom. 1. Antiq. medii ævi. Melioris, quam hi, conditionis erant *Aldii, Aldiones, Aldionarii*, qui iidem

dem plane erant cum Fiscalinis. vel Lidis, seu Litis in Francia, ut ex Lege nostri Rachis regis Langob. lib. 111. Tit. xviii. pag. 219. editionis Venetæ 1537. *Aldiones, vel Aldiane ead lege vivant in Italia in servitute Dominorum suorum, qua Fiscalini, vel Lidi vivunt in Francia.* Erant enim libertatem manumissione adepti, & liberti appellari poterant; sed domino, vel potius patrono erant adhuc devincti quarundam operarum, vel ministeriorum præstatione, quæ ipsis ex conditione, vel pacto, manumissioni adjecto, imponebatur, vel ad tempus, vel in perpetuum, donec scilicet & ab hoc onere liberarentur, & Amond essent facti, ut in legibus Langobardorum, quas memorabimus. *Fiscalini* vero, qui, more a Francis accepto, erant quoque in usu in Italia, ita audiebant; eo quod ad Fiscum Principis, vel Regis pertinebant, & regalibus servitiis erant deputati; Hi, attenta Domini dignitate, melioris erant fortunæ; quia etiam ad voluntatem Principis Domini Palatinis officiis honorabantur. Non inferioris status crederem, fuisse servos *Colinos*; conjunguntur enim sub una quasi specie & recensione a rege Luitprando, & a Carolo M. in leg. v. & vi. Tit. xxxi. Lib. 11. cum Fiscalinis, & Aldiis: *Si quis cum servo, aut Aldione, aut cum pertinente alieno de qualicumque re convenerit &c. ut nec Colinus, nec Fiscalinus possit alicubi foras missos traditionem facere.* *Cerarios* itidem & *Chartularios*, & *Tabellarios* servos non vilioris fuisse status, ac Aldios, videtur ex Cangio in Glossario; eos enim asserit libertini status ex charta tabularii S. Remigii, sed Ecclesiæ, vel alteri Domino sub certa annua pensione obligatos ad præstandum ceram, & alia pro manso ingenuili, illis dato, vel locato; & Carolus quidem M. trinas has servorum species conjungens sub una recensione in leg. 1. Tit. v. Lib. 11. eos ejusdem status & conditionis esse, innuere videtur: *De Cerariis,*

in Ta-

*Tabulariis, & Chartulariis, sicut longo tempore fuit consuetudo, ita observetur. Et in lege sequenti ita sanxit: Stetit nobis de omnibus Libellariis, ut nullus Comes, nec juniores eorum amplius distringant, nec inquietent; nisi sicut a longo tempore fuit consuetudo: Scilicet non domini, vel patroni arbitrio operas, vel præstationes adimpleant; sed eas tantum, quæ in manu-missione, pacto convento, reservata fuere. Ex iis tamen servis tolerabiliori servitutis specie, ut mihi videtur, gravabantur Chartularii, qui iidem cum Tabulariis; isti vero erant, qui Charta tantum, sine aliqua alia formula, vel cærimonia, quadam libertate donabantur; & nihilominus Domino in pluribus erant obnoxii, & præsertim cum sine heredibus, ex ipsis descendentes, ab hoc sæculo decederent, dominus illorum hæreditatis possessionem ingrediebatur. Nihil enim amplius eis in charta libertatis concedebat dominus, aut sub certa pœna spondebat; nisi quod ab eis, vel ejus descendentes nihil exinde juberet, vel pro servitio, & nomine servitutis peteret. Horum servorum in nostris Forojulienfibus chartis exemplum adest in notis Bonihomi, vel Bonihominis Notarii Glemonæ, a me descriptum in meis Apographis numero 866. quod profero.*

Suarezuttus q. D. Henrici de Buja libertatem Andreæ Manzi concedit ei promittendo, quod nihil petet ab ipso nomine servitutis. Anno 1288.

„ Anno Domini MCCLXXXVIII. ind. 1. die v.  
 „ intrante Julio. f. Dñs Bernardo Decano Ci-  
 „ vitaten. Camoreto de Osofio. Gwilgelmo de Ve-  
 „ zono. Jacobo Basadone de Glemona. & Raynerio  
 „ de Staulis. Wolurado de Mayrale. Hanzone filio D.  
 „ Jacobi de Regonia. Altenerio de Flagonea. Henrico  
 „ D. Mosale de eodem loco. & al. Suarezuttus  
 filius



„ filius q. D. Henrici de Buja pro se & pro domo sua  
 „ dimisit omne jus atque rationem, quod vel quam  
 „ habebat, vel habere sperabat in Andrea filio Do-  
 „ minici dicti Manzi & in suis heredibus. Scilicet O-  
 „ dorlicum & Petrum, & de omnibus ab eis descen-  
 „ dentibus de non ulterius petendo in servitio alico  
 „ nomine servitutis &c. Et hoc sub pena c. Marcha-  
 „ rum denariorum. Medietas cujus pene veniet D. Pa-  
 „ thē, qui pro tempore fuerit, alia medietas cui inju-  
 „ ria fiet. Pena quoque soluta vel non. Tamen di-  
 „ cta firma &c.

„ Actum in Oratorio Celle S. Jacobi de Glemona.

*Hominem Denarialem* sub hac eadem servorum specie Cangius recenset; ita dictus, quia juxta legem Salicam excusso de manu Denario liber evaserit. Hujus autem nihilominus erat aliquo modo obnoxia, nec omnino libera conditio, nam hereditatem, quæ patrono dabatur, in sua generatione non habebat, antequam usque in tertiam generationem pervenisset; quod etiam de Chartulario supramemorato, qui per chartam tantum erat manumissus, obtinuit. Et hæc de hisce servis, qui honestiori conditione, ratione personæ, & officii, erant præditi, sint delibata.

Nunc aliam servorum speciem inquiramus itidem cursim, quæ medium, & infimum servitutis jugum patiebatur. Inter hujuscemodi servos, vere servos, recensendos existimo *Beneficiarios*, ita appellatos, quia prædiis Beneficiariis, sive Feudalibus erant affixi, & in iis glebæ serviebat; Nec a prædiis plerumque abstrahantur, non in venditionibus ipsorum, aut permutationibus, nec aliis contractibus, sed fere semper conjunctim, & simul cum prædio tradebantur, vel Beneficiario Feudi, vel Emptori. Quibus tamen, ut & omnibus pene aliis servis ejus ævi, sub certa pensione annua concedebatur fundus, cæteris utilitatibus ipsis relictis;

liſtis; ex quibus bene adminiſtratis peculium, horum ſervorum proprium, conſtabatur, & patrimonium; quod primi honeſtiores ſervi ſine domini, vel patroni licentia, nec in parte, nec in toto alienare poterant; multo vero minus iſti, qui ſeveriori vinculo ſervitutis adſtriſti, toti a voluntate dominorum penitus pendebant in omnibus. *Deditiſi* erant ſervi quondam libertate donati; ſed quia delicta gravia, & ſcelera contra dominos commiſerant, denuo in ſervitutem priſtinam fuerant revocati.

*Maſſarius* ſervus ita appellabatur, propterea quod Maſſæ, ſeu prædio erat impoſitus a domino, dataque illi cura totius Villæ, ſeu Maſſæ; Cum autem omnibus aliis ruſticanis, & vilioribus ſervulis a Domino eſſet ſuperimpoſitus, agmen ipſe ſervorum ſub ſe conſtitutorum ducat; ſervos nempe *Bubulcos*, *Pecorarios*, *Caprarios*, *Armentarios*, *Caballarios*, *Porcarios*, & hujuscemodi, quorum ſervitia ex ipſis eorum vocabulis plane innotescunt; & eorum notitia hinc inde ex Lan- gobardorum legibus colligitur. Hi infimi generis homines tamen biſariam cenſebantur; erat enim in illorum unaquaque ſpecie *Magiſter* & *Discipulus*; ut Rotharis rex eos diſtinguit in legibus vi. & vii. Tit. x. lib. 1. An vero de iſtis diſcipulis intelligendus Theſaurus noſter Aquil. ? Videant alii. Hæc ſunt ipſius verba pag. 31. *Pelegrinus ol. Henrici de Pizole de Aquilegia recognovit habere ab eccleſia Aquilegen. unum Manſum &c. ac Dominium ſeu judicium ſuper diſcipulos de Brazan &c. jure Feudi Miniſterii &c.* Proprium autem Maſſarii peculium erant boves, caballi, & bruta cetera, quæ peculii vocabulo comprehenduntur; deque his, etiam ſine licentia, Maſſarius ſervus disponebat, ea concedendo præſertim ad ſocietatem, & quandoque etiam ea alienando; ſemper tamen in Maſſæ ſuæ utilitatem, & lucrum, cui præerat; ut ſancivit Rotharis

*Liruti de Servis &c.* B lege

lege 111. Tit. xxx11. Lib. 11. hisce verbis : *Servus Massarius licentiam habeat de peculio suo , idest bovem , vaccam , caballum ; similiter de minutis pecunijs , in socio dare , & in socio recipere , vendere autem non , nisi pro utilitate case ipsius , quatenus case præsit , ut non depereat .*

Ceterum quamvis supramemoratas servorum species disjunxerim , eas ad certas , vel melioris , vel inferioris conditionis classes tribuendo ; nihilominus tamen una , aut altera species ad primam , vel secundam classem adscribi quandoque posse , nullus dubito ; tunc cum servi illi in primo suo statu vere servilli considerentur , vel cum sublevati a primo strictiori jugo , immunitatibus quibusdam , & libertatibus , a dominis concessis , fruerentur . Quamvis enim aliquando illis a dominis severiores obligationes tollerentur ; vel ut eos tali beneficio demeritos fideiiores redderent , vel quia eorum præstitum servitium id promerebatur ; nihilominus ipsis jugum servitutis collo immorabatur , quamvis levius , & honestius , & eodem vocabulo , puta Pertinentium , Manentium , Massariorum &c. appellabantur ; quod semel ipsis impositum nomen nunquam , nisi cum plena , & integra libertate , deponebant .

Nec hic me omnia barbari ævi servorum genera recensere voluisse quisquam credat ; scio , me majorem partem consulto ommisisse , ne , ut præfatus sum , actum agerem ; vel quia , quamvis varia cognomina audirent , ad easdem tamen species referri posse aliquando , videbantur . Præcipua tantum delibavi , & ea cursim ; non enim de servis ecclesiasticis , & piis locis contributis , qui suis denominationibus , etiam præter memoratas , discernebantur , verbum protuli , & alios etiam transmisi ; fontes enim demonstravi , unde omnium pene notitia peti potest , scriptores , qui de his , vel ex proposito , ut Muratorius , vel incidenter cum leges ejus ævi , & hi-

& historias , & chronica notis illustrarent , ut Balutius , Abbas a Nuce , ipse vir summus Muratorius , & alii plures fecerunt . Binas tamen , quas an servis , vel liberis sint tribuendæ nunc non decerno , non ommissi , nec præteritas volo ; de quibus sermo erit inferius ; *Hermannorum , vel Arimannorum* , & illorum *de Masinata , vel Maxinata* , seu *Macinata* ; de quibus inter servos tum Muratorius , tum alii disseruerunt , non tamen eos inter servilis conditionis homines connumerando .

## I I.

*Omnes servorum species in Forojulio in usu fuisse .*

Interim aliqua proferam documenta , quibus certos nos reddamus ( quamvis , ut mihi videtur , nulli dubium esse potest ) memoratorum servorum catervis ævo barbaro etiam nostros Forojulienfes usos fuisse ; tam in familiaribus , & domesticis servitiis , & famulatibus , quam in agrorum cultura , & pecuaria exercenda . Binas in primis chartas proferam ; primam , quam Cl. Vir Abbas Binius descripsit ex autographis manu Jacobi Nibisii Notarii , existentibus in Tabulario Ecclesiæ Majoris Glemonæ , cui Archipresbyter dignissime præest , quique hujus qualiscumque & fortuito impetu sine delectu effusæ scriptionis meæ Auctor fuit , jure amicitiae humanissime importunus ; Alteram in Pergamena originalem servo Tom. XVI I I . Manuscriptorum meorum pag. 237 .

Walangina de Glemona cum consensu Mengendar di filii , manumittit Vidam famulam suam , conditione adjecta , ut serviat &c. Anno 1271 .

- „ Anno Domini MCCLXXI. Ind. XI I I I . Die xv. exe-  
 „ unte Februario . Pñs Wargendo Masena Calci-  
 „ fice . Stephano dicto Sbrizio . Megenardo Calcifice .  
 „ Hermanno Dñe Leucardis . & Laterino Porta-  
 „ tore &c. de Glemona . & al.  
 „ Dignam remunerationem &c. *Walangina de Glemona*

„ voluntate & consensu Mengenardi ejus filii præsen-  
 „ tis de pura ; & propria conscientia ejus . *Pro reme-*  
 „ *dio animæ suæ . . . . . & parentum suorum per*  
 „ se &c. absolvit . & dimisit *Vidam famulam suam . &*  
 „ omnes heredes ab ipsa amodo descendentes &c. Ma-  
 „ numittensque eidem Vide . . . . . omne jus pa-  
 „ tronatus . omniaque bona mobilia & immobilia que  
 „ habet . & que habere sperat . Dum tamen quod *ipsa*  
 „ *Vida servire teneatur* dictæ Walangine . quamdiu  
 „ ipsa Walangina in hoc seculo vixerit . Que Wa-  
 „ langina *resignavit* . seu renunciavit ipsam Vidam .  
 „ & omnes heredes ejus ex ipsa amodo descendentes .  
 „ *Ecclesiæ Aquilegiensi vel D. Pathe* . dicto Stephano  
 „ Sbrizio teste recipiente a prefata Walangina datam  
 „ & refutationem de dicta Vida &c. loco nomine & vi-  
 „ ce Ecclesiæ memorate . Quem Stephanum Sbrizium  
 „ ipsa Walangina constituit &c. suum nuncium . Sin-  
 „ dicum . & specialem procuratorem ad refutandam  
 „ ipsam Vidam &c. dictæ Ecclesiæ vel D. Pathe . Hoc  
 „ tamen pacto & tenore . quod *nullus Patbarum . A-*  
 „ *quilegen* . possint eam &c. *infeudare . vendere . donare :*  
 „ obligare , nec aliquo modo , vel pacto aut tempore  
 „ alienare ab Ecclesiâ supradictâ . sed semper in do-  
 „ minio , & potestate dictæ Ecclesiæ permanere . Et in  
 „ hunc modum prefata Walangina per se &c. promi-  
 „ sit eidem Vide &c. sub *pena Centum Marcharum puri*  
 „ *auri* &c. medietatem dictæ pene D. Pathe . &c. &  
 „ reliquam medietatem . cui lis movebitur solvere te-  
 „ neatur . Penaque soluta &c. Actum Glem. sub folio  
 „ dictæ Walangine .

Ut brevitati consulam , disquisitioni non immorabor ,  
 quæ fuerit , & qualis Walangina hæc ; nobilem enim  
 hac in provincia statim prodit , eam servos possedisse .  
 Quamvis alias sciam , nobilis , & antiquæ Clemonensis  
 Familiæ eam fuisse , immo nomen eidem Familiæ ipsam  
 dedis-

dedisse, quam *Walangine* audiebat sæculo XIII. & *del Savio* exinde sæculo XIII. , tunc cum circa medium ejus sæculi ab Imperatore Carolo IV. titulo comitum Palatinorum decorata fuit, & inter cetera jure creandi Notarios, & legitimandi spurios; quam dignitatem paucis tunc, sed primoribus nostrorum, concessit Carolus. Ex hac igitur charta discimus, *Walanginam*, *Famulam*, sive *servam* suam *Vidam* familiarem, seu ministerialem, ad statum & conditionem *Aldiæ*, vel *Aldianæ* extulisse; absoluta enim ea a vinculo, & jugo servitutis, designatoque & dato ei nuncio, qui eam offerat, & exhibeat *Ecclesiæ Aquilejensi*; qui præcipuus erat mos libertatis conferendæ, & frequens nostratum consuetudo; ut iterum videbimus; ipsam tamen adhuc ad vitam suam in ejus famulatu expresse retinet, & servitio.

Domini *Franciscus* & *Johannes* de *Pinzano* manumittunt *Claram* eorum servitricem, pacto sancto, quamvis ipsa *Clara* post manumissionem servierit in domo ipsorum Dominorum, nihil detrahatur libertati concessæ. Anno 1332.

„ In Nomine Domini Amen. Anno ejusdem Domini MCCCXXXII. Ind.XIII. die xv. intrante Novembri. In præsentia D. *Adalgerii* dicti *Pinzanutti* de *Pinzano*. *Nicolai* filii ol. D. *Cresduli* militis dicti loci. *Petri* ejus fratris. *Henrici* Dñe *Castelane* dicti loci. *Johannis* del *Clere* ipsius loci. *Vidusii* ejus fratris testium &c.

„ Nobiles viri *Franciscus* de *Penzano*, & *Johannes* ejus filius considerantes &c. pro se &c. amore Dei & Beatiss. Virginis *Marie*, & pro remedio &c. sponte, ac pure mere & irrevocabilis donationis nomine &c. non valentes ipsam donationem ulla injuria ingratitudine contrarietate sive causa revocare, per se &c. absolverunt, manumiserunt, & liberave-

„ *runt Claram dictam Clarussam filiam Pinzanutti q*  
 „ *filiam Antonii de Pinzano, suam servitricem, ab eo-*  
 „ *rum servitio & vinculo servitutis quo erat eis perpe-*  
 „ *tuo alligata, & ipsam perpetuo abolverunt, donan-*  
 „ *tes ipsam Claram &c. & omnia ejus bona &c. Eccle-*  
 „ *sie Majori S. Marie de Aquilegia dantes, & assi-*  
 „ *gnantes per se &c. ipsam Claram &c. cum omnibus*  
 „ *ejus bonis &c. in manum Johannis del Clere testis*  
 „ *supradicti ipsam recipientis vice & nomine Ecclesie*  
 „ *supradicte, ipsumque constituens suum procurato-*  
 „ *rem, qui ipsam Claram dare refutare conducere &*  
 „ *assignare debeat Altari Ecclesie prelibate &c. & eos*  
 „ *absolutos reddentes, & dimittentes ex nunc prout*  
 „ *ex tunc ab omni jugo, honere, nebula, vinculo, &*  
 „ *macula servitutis, & omni jure, & actione, quibus*  
 „ *ipsa Clara eisdem Dominis Francisco & Johannino de*  
 „ *Pinzano &c. tenebatur &c. Ita tamen quod si dicta*  
 „ *Clara &c. steterit seu habitaverit cum ipsis Domin. &c.*  
 „ *aut super eorum bonis &c. vel modo aliquo eis servi-*  
 „ *verit, nihilominus sit & esse debeat Ecclesie memora-*  
 „ *te. Ita quod &c. valeat & possit d. Clara &c. age-*  
 „ *re &c. testari &c. quomodo quilibet homo vel femina*  
 „ *S. Aquilegien. Ecclesie pred. quovis modo dicere*  
 „ *potest, & facere. Ita tamen quod nullus Pascha-*  
 „ *rum &c. ipsam Claram &c. valeat vendere, tradere,*  
 „ *donare, investire, alienare, infeudare, vel modo a-*  
 „ *liquo a dicta Ecclesia, vel Domo Aquilegen. separare;*  
 „ *neq. per eos, vel eorum aliquem aggravari possit,*  
 „ *vel angariari, plusquam aliquis homo, vel femina*  
 „ *Ecclesie antedictæ. Promittentes &c. sub pena Decem*  
 „ *Marcharum auri puri, medietas quarum &c.*

„ Actum in burgo Pinzani ante bazarzium dicto-  
 „ rum Dnorum.

„ Ego Tomas q. Tebaldi de Tebaldis de Vene-  
 „ ciis A. impli Not. &c.

Hinc

Hinc quoque elicimus, & noscimus alteram Aldiam; cujus status, & conditio cum ab ipsius jam libera voluntate pendeat, eam fuisse Aldiam voluntariam, & spontaneam, non pacto in manumissione adjecto obligatam, affirmabimus; de qua nullibi, quod memini, mentionem factam vidi a laudatis scriptoribus. Si enim ipsa, vel ejus heredes sponte voluerint habitare in domo, & servire Dominis suis, sive patronis; qui Domini quoque erant Castri Pinzani, & eodem seculo defecerunt; erat ipsa cum ejus heredibus ex ministeriali serva familiari, Aldia spontanea; secus vero si a domo Dominorum suorum recederet in suam, servitium illorum deferens, erat scemina plena libertate donata; quia Ecclesie Aquilejensi oblata erat, & donata. Gravioris, ut mihi videtur, conditionis fuere Aldii, manumissi, quos exhibet charta subsequens, quam authenticam lego tom. xxxiii. meorum MSS. pag. vel n. 175.

Cardinalis Pileus Comes de Prata omnes suos servos manumittit, donans eis mobilia illorum, immobilia vero teneant pro Habitantia in Prata cum onere ei serviendi. Anno 1382.

„ Mccclxxxii. Ind. ii. Die vero 1111. mensis Septembris. Tempore S<sup>ni</sup> D. Urbani Papae vi., *Prate in Palatio* in camera magna superiori prope Salam magnam. P<sup>ns</sup> Egr. & Potenti Milite D. Johanne q. D. Nicolussi Comitis de Prata, Nob. Rizado nato Nob. & Potentis D. Guccellini Comitis de Camino, Desiderato q. & Guarnerii de Partistagno, Petroque D. Zanini Not. de Prata, ac aliis &c. R<sup>ms</sup> in X<sup>sto</sup> Pater & D. D. *Pileus* miserat. Divina tit. S. Praxedis S. R. E. Presbyter Cardinalis, digniss. filius & heres universalis Egr. ac potentis viri q. D. Biachini Militis & Comitis de Prata pro se &c. *intuitu Dei* &c. omnibus modis, & viis quibus melius scivit, & po-



„ tuit, *Manumifit omnes servos suos* quoscumq. tam  
 „ mares, quam feminas existentes in Prata, quam e-  
 „ jus Comitatu, & extra, cum omnibus eorum mobi-  
 „ libus. *Immobilia* vero voluit quod ipsi habeant, &  
 „ teneant *pro Habitantia*, & pro dicta Habitantia te-  
 „ neantur *facere servitia*, secundum quod idem Pileus  
 „ Cardinalis duxerit ordinandum &c. Et teneantur  
 „ dare in scriptis omnia ipsorum bona immobilia dicto  
 „ Domino P. Cardinali. Item voluit, quod omnes  
 „ servi sui extra Pratam, tempore hujus contractus  
 „ existentes, teneantur in termino sex mensium pro-  
 „ xime futurorum *venire ad standum & habitandum*  
 „ in Prata, saltem per. xi. annos &c. & in casu, quo  
 „ intra terminum dictum non veniant ad residendum in  
 „ Prata, sicut superius dictum, vult ex nunc, quod  
 „ sint in eadem *servitute ligati*, & damnatione, sicut  
 „ primitus erant. Excepto Anceluto &c. Et omnibus  
 „ debeo facere instā &c.

„ Et ego Jacobus q. Meinardi de Sclufa Aquile-  
 „ gen. Diocesis pub. Apostolica, & Imperiali  
 „ A. Not. &c.

Quot servuos, cum omnes manumiserit Pileus,  
 ipse habuerit, ignoro; sed magnam catervam, immo  
 exercitum ex illis constare potuisse mihi persuadeo; vir  
 enim illustris & dives Biachinus Eques, & Comes Pra-  
 ta, affinitate conjunctus cum Caminensibus, qui sæpe, ut  
 in nostris historiis, pari animo & viribus cum Patriarc.  
 bellum gesserant, erat illi pater, qui ipsum Pileum uni-  
 cum ejus filium ex asse heredem instituit. Cum autem  
 omnes manumiserit, certe ex omni servorum genere,  
 tam gravioris, quam levioris servitutis, tam ministe-  
 rialium, quam villis, & prediis addictorum fuisse, cre-  
 dere conveniens, ac verisimile est. Non est autem o-  
 mnino obvium; quod eos liberando ipsis omnia illorum  
 mobilia donaverit, sed immobilia ipsis tantum ad Ha-  
 bitan-

bitantiam, ad Feudum scilicet Habitantiæ, concesserit, reservato nempe sibi directo dominio; & ea conditione, & pacto, quod in loco Pratz degere, & habitare deberent, quamvis extra Pratam usque dum commorati fuissent. Et hoc, ut præsto essent, & parati ad ipsi Pileo Cardinali serviendum; qui sibi servitium, ut puto, Ministeriale, & honestius (cum habitantiæ Feudo eos aliquo modo honestaverit) sibi in manumissione reservaverat, & ipsis, quamvis liberatis, imposuerat sub pœna in servitutem pristinam recidendi. Cæterum non insolens, quod isti liberti, sive Aldii, quadam servitute adhuc gravati, Feuda possiderent; cum puri, & vere servi, & de Masnata Feuda quoque cum peculio, & proprio haberent quandoque ut nos certiores facit Thesaurus noster Aquilejensis his verbis p. 129. MCCLVI I. *Candidottus de Glemona dedit, & refutavit in manibus D. Patriarc. Gregorii Milicium filium Mercardi Sdentati de Glemona suum Hominem de Masnata, & ejus heredes cum eorum peculio, Feudo, & proprio.* Bina hinc profero documenta, in quibus Pacta de servis communibus inter nobiles Foro-Julienenses decernuntur, casu quo essent cum suis peculiis dividendi; in quibus præterea quædam non obvia notatu digna deprehenduntur:

Charta pactorum de servis communibus dividendis inter D. Franciscum de Brazaco superiori, & D. Aynzonem de Faganea. Anno 1279.

- „ MCCLXXIX. Ind. VII. die VIIII. intrante mense julii.  
 „ Præsentibus Dominis Leonardo & Henrico fratribus  
 „ de Brazaco superiori. Tesinotto de eodem loco. I-  
 „ rico Dñe Gisle de Orlungo. Raynerio qui fuit  
 „ de Culugna. Pertoldo precon de Utino testibus &c.  
 „ Domini Franciscus filius quondam D. Arnoldi  
 „ de Brazaco superiori ex parte. & Aynzo de Faganea  
 „ fil. q. D. Asquini de Fontebono ex altera tale in-  
 „ ter se pactum, & concordiam fecerunt de heredibus

„ Pacotti de Brazaco filii q. Morascii *hominis* di. D.  
 „ Francischi, & *Jacomine* uxoris ejus *femine*, di. D.  
 „ Aynzonis, quod heredes eorum omnes tam mascu-  
 „ li, quam femine, quos nunc habent, & deinceps  
 „ eos simul habere contingerit, ipsorum Dominorum  
 „ Francischi & Aynzonis esse debeant *communes & per*  
 „ *medium*, quos inter se partiri valeant, cum ambo  
 „ vel eorum unus voluerit, & postulaverit. Ita ta-  
 „ men quod totum *proprium*, & *Feudum*, quod Pa-  
 „ cottus ad præsens nunc habet a pred. D. Francis-  
 „ co, esse debeat heredum devenientium in parte ipsi  
 „ D. Francisco. Et bona omnia, que ipsa Jacomina ha-  
 „ buisset & cunduxisset in domo ipsius Pacotti mariti  
 „ sui, esse debeant heredum devenientium in parte pre-  
 „ dicto D. Aynzoni. Et quod ipse D. Franciscus pro-  
 „ prio & feudo remanente in heredes sibi devenientes  
 „ in partem, dare, & solvere teneatur & debeat here-  
 „ dibus provenientes in parte D. Aynzoni tres Mar-  
 „ chas denariorum Aquilegen. infra unum annum  
 „ prox. venturum, postquam pars inter eos de dictis  
 „ heredibus facta fuerit. Mobile vero totum, quod  
 „ pred. jugales Pacottus, & Jacomina ad pñs nunc  
 „ habent, & deinceps eos habere contigerit, divida-  
 „ tur &c. *Feudum* vero, *proprium*, & *livellum*, quod  
 „ deinceps lucrati fuerint, dividatur per medium here-  
 „ dibus supradictis. Ita tamen quod quicquid D. Fran-  
 „ ciscus ex nunc dederit predictis Pacotto & Jacomine  
 „ esse debeat sibi in parte devenientium, & e conver-  
 „ so. Que omnia superius nominata predi. Domini  
 „ Franciscus & Aynzo cum obligatione &c. promise-  
 „ runt rata & firma habere &c. *sub pena xx. Marcha-*  
 „ *rum denariorum Monete Aquilegen. &c.*

„ Actum super Castrum S. Margarete de Gro-  
 „ vans, ante Canipam heredum q. Muzonis de  
 „ Bolpis de Martignaco.

Et ego

„ Et ego Dominicus dictus Glemonus de Utino  
 „ impli A. Not. &c.

D. Franciscus q. D. Arnoldi de Brazaco superiori, & D. Aynzo de Faganea q. D. Asquini de Pontebono nobiles Feudatarii Forojulienses, quorum descendentes nulli nunc adsunt, hominem servum unius cum serva alterius in matrimonio copulaverant; & exinde pepigerant, cum aliquis eorum descendentes ex eis, & bona per ipsos acquisita dividere voluisset, quod æquis portionibus omnia dividerentur. Excepto tamen Feudo, quod domini illius, qui id concesserit, remanere deberet. Cujuscemodi fuerit Feudum, de quo hic habetur mentio, quodque etiam servis concedi poterat, & ipsos illud adipisci, & sibi comparare, nulla fit mentio in instrumento; sed id fuisse Habitantiæ, verisimile est; non enim Feudum tale quicquam secum possidentibus nobilitatis afferebat, cum de minoribus fuisset; & proinde ejus capaces servi esse poterant; persuasum namque mihi est, nullam cum nobilitate societatem ignobilem servitutem inire posse. Alteram chartam patrum de servis communibus profero, alio quoque titulo digna, ut lucem videat.

D. Federicus de Cavoriaco dotat Franciscam suam servitricem, copulandam matrimonio Radio servitori D. Matthæi de Brazaco superiori, & pacta inter eos de dividendo descendentibus, & bonis dictorum jugalium. Anno. 1342.

„ Anno Domini MCCCXLII. Ind. x. Die XI. in-  
 „ trante Februario. Pns. nobb. Viris & Dnis. D. Ni-  
 „ colao q. D. Henrici. D. Conrado q. D. Francisci  
 „ ambobus de Brazaco superiori, & Conrado filio  
 „ D. Nicolai de Brazaco inferiori. Franciscò q. Misse de  
 „ Villalta, & Chunzilino filio D. Artuichi de Brazaco  
 „ superiori testibus &c.

„ Nob. vir D. Federicus natus q. nob. D. Lo-  
 doyçi

„ doyci de Cavoriaco per se & D. Rambaldum ejus fra-  
 „ trem , ut dicebat , ac eorum heredes promisit & ste-  
 „ tit dare *Radio servitori* D. Mathei de Brazaco supe-  
 „ riori , & *Franciscæ servitrici* ipsius D. Federici ac e-  
 „ jus fratris jugalibus . Renunt. per se &c. *vice & no-*  
 „ *mine Dotis* prefate Domine Franciscæ v. Marchas A-  
 „ quilegen. denarior. mon. nove , de quibus quidem  
 „ quinq. Marchis d. Radius ibidem fuit contentus &  
 „ confessus ab ipso D. Federico habuisse & recepisse  
 „ tres Marchas denar. anted. Dotis , reliquas vero duas  
 „ stetit dare sæpe noiātus D. Federicus ipsis jugalibus  
 „ ad beneplacitum Nicolai Radii patris ipsius Radii ,  
 „ & Odorici servitoris ipsius D. Federici . Pactis au-  
 „ tem infrtis habitis & firmatis inter Dnos Federicum  
 „ sepenoiātum , & D. Matheum superius expressum .  
 „ videlicet quod si contingeret d. Francisca premori ipso  
 „ Radio suo marito sine communi herede habito inter  
 „ eos , quod per ipsum Radium & ejus heredes ipsi  
 „ D. Federico , & suis heredibus d. *Dos restituatur* ,  
 „ *reservata tamen in se dimidia Marcha de d. Dote* &c.  
 „ Et e converso si contingeret ipsum Radium premori  
 „ ipsa Francisca sua uxore superstite sine communi he-  
 „ rede , quod ipsa Francisca *rebabeat suas dotes inte-*  
 „ *gre* , & *de bonis suis mariti tres Fortones* &c. Item si  
 „ contingeret d. jugales aliquos procreare proles ac  
 „ filios , qui *debeant dividi ipsi & eorum bona universa*  
 „ inter ipsos D. Federicum , & D. Mattheum &c. e-  
 „ quali portione . Ubi autem , omnibus actis preno-  
 „ minatis , Radius stetit dare d. Franciscæ sue uxori  
 „ *nomine Morgengap & Dismontature* duas Marchas A-  
 „ quilegen. monete nove ad suum beneplacitum *ad fa-*  
 „ *ciendam omnimodam suam voluntatem* . Pro quibus  
 „ omnibus firmiter attendendis atque complendis ,  
 „ precibus ipsius Radii , & pro ipso D. Mattheus ejus  
 „ Dominus in solidum extitit fidejussor , & precibus  
 „ ipsius

„ ipsius Franciscæ & D. Federici Franciscus testis su-  
„ pradiſtus in ſolidum fidejuſſor extitit .

„ Actum in Bazarzio Nicolai Radii de Agar, Plebis s.  
„ margarete de Grovagns.

Ex notis Mathiæ d. Miſſii q. Zotti de s. Maria  
de Sclaunich Not &c.

Federicus hic Dominus Caſtri Cavoriaci, cujus  
gens adhuc in plures Familias diſtincta viget, &, ut  
fertur, ab antiquis Dominis Ragonæ genus ducens una  
cum aliis nobilibus Familiis, etiam alia denominatione  
notis, aliis Caſtris in Forojulio dominatur, Franciſcam  
ſuam ſervitricem, ideſt ſamulam, & ſervam, quæ  
Gangio ſunt ſynonima, quinque Marchis monetæ novæ  
Aquilejenſis dotat, ut eam Radio ſervitori, ideſt ſamu-  
lo, vel ſervo Domini Brazachi laudati copulet. Paucaſ  
admodum chartas vidi, quibus a dominis dotentur ſerv-  
væ, & pauciores multo, quibus dotentur iſdem pactis  
& conditionibus, quibus libere, & nobilis conditionis  
fœminæ honorantur. In hac namque noſtra charta non  
dotatur ſolum, ſed dos datur ſub conditione reſtitutio-  
nis, non adveniente prole; & inſuper diſtæ ſervæ con-  
ſtituuntur Marchæ binæ ejusdem monetæ pro ſnis Mor-  
gengap, ideſt dono matutino, & Diſmontaturis *ad fa-  
ciendam de his omnimodam voluntatem*. Hinc ſi diſti  
ſervi jugales prolem habuerint, & deſcendentes, &  
bona aſquiſerint mobilia, & immobilia, quod omnia  
ſecundum conſuetudinem hujus provinciæ æquis por-  
tionibus ad eorum beneplacitum inter diſtos Dominos  
Federicum, & Matthæum dividantur. Cum ſervæ hæ nu-  
bendæ a Dominis dotarentur, e contra ipſæ eadem pro  
dote conſtituebantur nobilibus fœminis, matrimonio ſui  
ſimilibus copulandis, ut ex charta, quam ſubjungo.

Datio in dotem unius ſervæ, facta a D. Detemaro  
de Vendolio Gniſutæ ſorori ſuæ nuptæ Johan-  
ni q. Jacobi Valuti de Glemona. anno 1337.

„ Anno

„ Anno Domini mccccxxv i i. Ind. v Die v. in-  
 „ trante Martio Pñs Gabriele de Glemona . Ni-  
 „ colao d. Pisatino q. Piliorni . Federico q. Valconi .  
 „ Tomato q. Zanni Justi . Nicolao q. Bernardi Capif-  
 „ se . Jacobo filio Marchi de Racholana. Petro filio La-  
 „ zaruti de Carvacho , & aliis .

„ Cum olim D. Arnoldus de Vendoyo *dotasset*  
 „ filiam suam Dominam Gnisutam in matrimoniali co-  
 „ pula cum Johanne q. Jacobi Valuti . & ipsis jugali-  
 „ bus inter cetera *promississet unum Mancipium* , ut pa-  
 „ tet publico instrumento confecto manu Stephani Val-  
 „ coni Not. de Glemona sub anno Domini mccccxxi i.  
 „ Ind. v i. Die x. intrante Aprili . viso & lecto a me  
 „ Not. subscripto . Ibique vero D. Detemarus filius  
 „ d. olim D. Arnoldi de Vendoyo *assignavit* dictis Jo-  
 „ hanni & Domine Gnisute jugalibus in *Mancipium*  
 „ & *servitutum Fuscham* filiam Henrici de Vendoyo  
 „ presentem . Quæ ibidem promisit *manuali fide &c.*  
 „ *legaliter servire dictis jugalibus &c.* & dicti jugales  
 „ acceptaverunt dictam Fuscham in suam Mancipi-  
 „ um &c. Actum Glemone in domo Johannis q. Ja-  
 „ cobi Valuti .

Ex Notis Francisci Sibelli Not. Glemone &c.

Gens nobilis Dominorum Castri de Vendolio jam  
 a sæculis defecit ; ex hac Arnoldus promiserat pro dote  
 unum Mancipium ( quod idem est cum servo , vel ser-  
 va ) Gnisutæ filiz suæ , & Johanni Valuti nobili Gle-  
 monensi ejus marito ; quod defuncto Arnolde dictis ju-  
 galibus præstitit Detemarus ejus filius , dando eis , &  
 tradendo in *Mancipium & servitutum Fuscham* filiam  
 Henrici de Vendolio . Notandum , quod Fusca in tra-  
 ditione dictis jugalibus de eis legaliter serviendo sacra-  
 mentum præstitit .

Sed quæ modum , & morem nobilium Forojulien-  
 sium videtur excedere , adest mihi charta in Apogr.

n. 893. anni 1323. 9. Novembris, quæ, ultra dotem in pecunia numeratam, Adalprettum Dominum Cucanæ Sophiam filiam suam cum septem Famulis, sive servis dotavisse, nuptam Johanni Domino Villaltæ, memorat.

Plura alia documenta adsunt, quæ docent, nostros antiquos Foro-Julienſes servis omnis generis, & speciei usos fuisse ævo barbaro, sicuti nationes, & regiones aliæ Europæ nostræ; quæ consulto omittuntur, ne in immensum crescat farrago; ad id enim probandum, & certum reddendum, pro confirmatione assumpti argumenti, (non quod id necessarium existimaverim) leges nostræ municipales affatim sufficere videntur, quæ de servis ab antiquo sancitæ sunt, & usque ad sæculum XVI. in hac regione fuere in viridi observantia, ut exinde subitus animadvertemus. Has ex statuto nostro Foro-Julienſi Mf. descripsi, quod indubitate videtur esse characteris sæculi XIV. & servatur a D. Agricola Patritio Utinenſi, mihi non vulgari amicitia conjuncto. In laudato Mf. adest fol. xxxix. Rubrica: *De sententiis diffinitivis proferendis coram Domino Vicario Patriarchali* in temporalibus; sub qua cum decernatur, Vicarium ipsum super re quacumque sententias definitivas proferre posse, ad nullius judicis Tribunal amplius provocandas; excipiuntur tamen sententiæ *Territorii, Libertatis, Servitutis, & Feudorum*: de quibus ultimum proferre supremum judicium sit Domini Patriarchæ tantum, non ejus Vicarii; Et in hæc verba lex scribitur: *Constituimus, & ordinamus. Quod omnes cause possint ventilari coram persona Vicarii D. Patriarche, cujuscumque conditionis existant; ac etiam possint finiri & terminari, & diffinitive sententie ferri per Astantes coram persona ipsius Vicarii: Exceptis tantum sententiis diffinitivis Territorii, Libertatis, Servitutis, & Feudorum. Que sententie dumtaxat coram persona D. Patriarche proferantur; nisi sen-*



*sententias diffinitivas super causa Territorii proferendas idem D. Patriarcha propter aliquas occupationes, quas ipse scribat, vel asserat se habere, Vicario suo specialiter & expresse duxeris committendas. Sed ut causas Territorii poterat Patriarcha vicario suo demandare definiendas, ita etiam eas, quæ circa alicujus servitutem vel libertatem versabantur, aliquando Vicario ipsi a Patriarcha delegabantur. Ecce tibi documentum, quo id probe testatum redditur; & insuper quibus solemnitatibus liberata per sententiam judicis a servitutis imputatione libera proclamabatur.*

*Sententia Jacobi Maroeli Vicarii Patriarchalis & Istriae Marchionis pro libertate Margaritæ Muyans cum filiis, Oblatio ipsorum Altari Aquilejensi, & Proclamatio eorum libertatis facta per suos Parochos. Anno 1352.*

„ MCCCLII. Ind. v. Die XII. mensis Julii. Pñs  
 „ presbytero Jacobo Flor, & Anzelotto de Cuchanea Mansionario Aquil. & presbro. Gabriele &c. &  
 „ aliis.

„ Josephus Nuncius juratus Patriarchalis Curie  
 „ D. Nicolai Patriarche Aquilegen ex commissione &  
 „ mandato D. Jacobi Maroeli de Luca Vicarii dicti  
 „ D. Patriarche. Optulis super Altare S. Marie Aquil.  
 „ Margaretam dictam Muyans, & Indrinam, & Catherinam sorores filias dicte Margarete, & Johannem eorum fratrem, ut moris est &c. ut supra &c.  
 „ Qui ibidem exhibuit una literam infrascripti tenoris.

„ Jacobus Maroelus de Luca Domini nostri D.  
 „ Patriarche Vicarius Generalis Istrie Marchio &c.  
 „ salutem.

„ Cum Margareta dicta Muyans de S. Margareta  
 „ cum tribus filiis, & totidem filiabus coram nobis,  
 „ ut Commissario in hac parte Domini Nostri D. Patriarche Aquilegen. per laudum & sententiam fuerint  
 „ abso-

„ *absoluti ab omni Nebula servitutis & liberati, ad quam*  
 „ Fradonus de Brazaco eosdem intendebat provocare.  
 „ Honestatem vestram requirimus, quatenus predi-  
 „ cam Margaretam, filios, atque filias *in Ecclesiis ve-*  
 „ *stris*, cum ibi aderit populi multitudo, *liberos*, ut  
 „ ceteros Aquilegen. Ecclesiæ denunciatis & pro-  
 „ paletis.

„ Datum Utini die x. Junii Ind. v.

„ Honestis viris presbyteris Henrico, & Francis-  
 „ co Capelanis Plebis S. Margarete, & eorum  
 „ cuilibet.

„ Et Ego Jacobus q. Ture Not &c.

Margarita hæc cum filiis a Domino quodam de Brazaco in jus trahebatur, ut illius serva; per sententiam libera pronunciatur a Vicario Patriarchali, huic causæ delegato Commissario; unde ad exequendam sententiam per Nuncium Patriarchalis Curie ducitur ipsa Aquilejam, & de more, hac in provincia semper observato, ab eo offertur altari S. Mariæ Aquilejensis. Hinc Vicarius Patriarchalis jubet, ut in Ecclesia S. Margaritæ, quondam Castri Gruagn, Parœcia illius, in solemnitate, cum populi multitudo aderit, a suis Parochis proclametur libera, ut ceteri homines Aquilejensis Ecclesiæ.

Aliam antiqui nostri decrevere legem favore libertatis: statuentes servum communem manumissum ab uno ex ejus dominis, etiam reclamantibus ipsis, libertatem adipisci permanentem, & integram; dummodo tamen a manumittente consociis de quota sua juxta servi valorem, & pretium sit factum satis. Prostat Rubrica hæc in laudato Ms. fol. 77. hisce exarata: *Quod si aliquis est servus communis duorum vel plurium dominorum, & fuerit per unum ex dominis manumissus, & liberatus, censeatur integraliter liber. Dum tamen alteri domino, vel alteris dominis fuerit satisfactum de par-*  
*Liruti de Servis &c.* C se,

se, quam habet, vel habent in dicto servo; secundum communem existimationem ipsius, taxandam arbitrio bonorum virorum. Præterea alia in Rubrica sancitum fuit, quæ, de Massariis valentibus capi, etiamsi sint servi alterius, inscribitur; Quod Massarius servus unius, degens super prædio, & villa alterius, possit pro annuis præstationibus non solutis domino prædii, ab ipso capi, & in subjectionem, & dominium suum redigi, & retineri, donec debitum solvat. Hæc sunt verba legis: *Quod si aliquis habet aliquem Massarium, qui sit servus alterius, & qui sit sibi pro afflictibus obligatus, illum capere valeat, ac si esset liber; non obstante contradictione domini, cujus est servus.* In alia denique Rubrica fol. eod. *De Nato ex libero ventre pro libero reputando* sancire; quod juxta Romanas Leges natus ex libero ventre matris libertate gauderet; & contra natus ex matre serva, quamvis patre libero, servus censeatur & sit domini matris ejus, in eadem servitutis specie illi serviens: *Quod quicumque natus fuerit ex matre libera, censeatur, & habeatur, & reputetur pro libero; etiam si pater ejus sit, vel fuerit servus; Quamvis etiam natus, & nutritus fuerit, vel longo tempore steterit, vel habitaverit super Territorio domini patris sui, vel super quo habitat pater ejus. Quicumque vero natus fuerit ex muliere serva, & de Masnata, censeatur, & sit servus ejus, cujus est mulier, ex qua natus est; etiamsi pater ejus sit liber.* Quam legem ita nostri progenitores religiose custodiverunt, ut si etiam ex patre nobili, & ejusdem cum dominis status, & gradus militaris, natus, vel nata esset filia ex matre serva; servus nihilominus, vel serva censeretur, & in ea gravi conditione permaneret; ut ex manumissione, quam subjungo, plane demonstratur, quam ex notis laudati Nibissii descripsit laudatis. Abbas Binius.

Domini Detalmus, & fratres de Villalta manumittunt

tunt Prounit eorum servam filiam D. Federici de Villalta . Anno 1275 .

„ Anno Domini MCCLXXV. Ind. x. Die VIII. exeunte Novembri . Pñs Domino Adalgerio de Vill. Episcopo Feltrensi . D. Mathia de Glemona ejus nepote . D. Liardo de Bergamo . D. Odolrico Decano Feltren. D. Achilloto presbytero de Belluno . Gabrazzo de Belluno . D. Artrufio de Villalta . Fructerio habitatore . . . Domini Detalmus . Rantolfus . & Henricus de Villalta per se . & D. Ludovicum eorum fratrem . & eorum heredes *pro remedio animarum suarum &c.* Dimiserunt liberam Prounit eorum *servam filiam D. Federici de Villalta* . Ita quod ipsa debeat habitare . *& stare in Monasterio* . & si non faceret . quod sit eorum sicut prius . Et promiserunt sibi &c.

„ Actum in Villalta sub abete .

„ Et eandem dederunt nomine liberationis dicto

„ D. Liardo pro Nuncio &c.

Domini hi Castri Villaltæ , tam manumittentes , quam pater Prounit , erant ex gente dominorum de Caporiaco , vel , ut hi , ex eodem stipite Dominorum Ragoniæ ; qui tamen a sæculis defecerunt , aliis Castrum Villaltæ , & ditionem possidendam relinquentes . Ex hac charta observandum non solum , quod quamvis cum primario nobili milite se commiscuerit serva , & ex eo partum ediderit , nihilominus servum remanere partum , & matris statum , & miseriam sequi ; sed etiam quod manumissæ Prounit arcta conditio de se in Monasterio constituendi imponatur , & Monialem se Deo vovendi , nisi vellet ad pristinum servitutis jugum reverti . Quæ quidem conditio mihi ideo videtur a manumittentibus apposita , ne sanguis eorum nobilis in descendentibus ex ea ignobilitate servitutis scedaretur .

*Variis in Regionibus mores varii.*

De Servis. qui in hac nostra Forojulienſi regione, ut in ceteris Europæ provinciis, & regnis, erant in uſu, hæc curſim, & tumultuaria ſcriptione proferre viſum eſt, tum ut documentis, & probationibus certis hunc morem etiam hic vigiſſe, palam facerem (quod equidem non omnino neceſſarium fuiſſe arbitror, cum nulli adhuc negare ſint auſi, ſed, ut credo, potius apud omnes id in comperto ſit) tum, quod aliquo in pretio eſſe poteſt, ut quidam peculiareſ noſtrorum antiquorum mores, ſolemnitates, & conſuetudines, quæ in variis ſervorum ſuorum ſpeciebus, nominibus, & gravaminibus, ſeu obligationibus ſervabantur, animadverteremus. Quamvis enim plerumque fuerit, & ſit certus rerum ordo, mos, & conſuetudo pene eadem ad univerſos per totam Europam pertinens; nihilominus eodem in more, & conſuetudine ſingulis regionibus, provinciis, & civitatibus, immo etiam oppidis, & pagis, ne dicam Familiis, eſt ſuus peculiaris mos, & conſuetudo, quibus ab univerſali diſtinguuntur; & res eadem in ſua origine, & ſubſtantia, diverſimode ſingulis in locis cenſetur, agitur, melioratur, & finem complementumque ſuum varium habet. Nec exemplis extra argumentum, quod habemus præ manibus, opus eſt; ſervi ipſi, de quibus ſermo eſt, affatim exempla nobis ſuppeditant. Cl. Muratorius in laudata Diſſertat. xv. Tom. I. Antiq. medii ævi col. 809. affirmat, in ditione Ferrarienſi legem, vel conſuetudinem ab omnibus obſervatam fuiſſe; ut qui natus eſſet ex libero patre, quamvis ex matre ſervilis conditionis editus fuiſſet, liber eſſet omnino, & ingenuus, ſive ejuſdem ſtatus, & conditionis ac pater; Et e converſo, qui fuiſſet natus ex patre ſervo, quamvis ex matre libera, nihilominus ſervus cenſeretur; quod idem eſt, ac affirmare, quod

partus

partus non sequatur ventrem, sed patrem. Idque ipse probat in Ferrariensi Civitate, & districtu semper moris fuisse; productis examinibus testium 1252. qui hunc morem, sive consuetudinem, vel legem ibi viguisse, sacramento præstito confirmant; & col. 823. his verbis: *Item dicit, quod consuetudo in Ferraria, & districtu approbata, & obtenta servata fuit, & servatur; quod nati ex patribus de Macinata, quamvis sint de libero utero nati, sunt de Macinata illorum, de quorum Macinata erant patres eorum.* Et sæpius hæc eadem in dictis examinibus habentur, quibus confirmatur, hunc fuisse Ferrariensium morem, vel legem consuetudinis, quod partus sequatur patrem, non ventrem; cum agebatur de statu liberi hominis, vel servi. Sed secus fuit in Ducatu nostro Forojulii; vidimus enim legem ab antiquo in hac patria sancitam, consonam Romanorum legi: quod partus sequatur matrem, nulla habita patris ratione, & ita religiose servatam in facto observavimus, ut filia quoque nobilis Dynastæ huic legi parere sit coacta. Sed non unum hoc exemplum variantium morum, & consuetudinum in servorum proposito argumento; deinceps variationes quoque alias observabimus; toto cælo a moribus, & consuetudinibus aliarum regionum in Forojulio distantes; immo de directo contrarias; non in Herimannis, vel Arimannis tantum, verum etiam graviores in hominibus, sive servis de Masinata, vel de Maxinata; quod idem significare, & esse cum Muratorio sentio; Et exinde in manumissionibus, & duratione servorum. De illis igitur sermonem nunc instituamus, terminum huic nostræ scriptioni imposituri de manumissionibus, & de earum solemnitatibus agendo, quæ nostris Forojuliensibus in usu fuere.

## IIII.

*De Arimannis.*

Dottissimus Muratorius in Dissertatione XIII.

*De Hominibus liberis , & Arimannis , dum , quid essent Arimanni isti , vel Hermanni , inquit , eos homines liberos fuisse pro certo habet ; nec , ut mihi videtur , inconsulto ; nam tum ex Legibus Langobardorum , quæ de his mentionem faciunt , id depræhenditur non obscure , & Diplomata ab ipso non pauca in lucem edita id persuadere videntur . In hoc autem tota ea Dissertatione laborat , ut non demonstret solum eos fuisse liberæ conditionis , sed etiam conditionis honestioris , & , si Diis placet , illustri Vassallorum , & Militum dignitate honoratos , propter Feuda a dominis suis ipsis conlata , & propter militiæ gradus , quibus domino , vel Comiti serviendo in exercitu erant adscripti . Hinc a vocabulo ipsorum , *Hermanni* , Ætimologia incipiens , eam probat , quam Eccardus affert ab *Herbmänner* , scilicet *Domini minores* ; & eam , quam Aventinus , & Goldastus ex Germanico *Here* , & *Mann* ; scilicet *Vir exercitus* , sive *Homo militaris* proferunt ; iis aliam ab ipso excogitatam derivationem subjungens , quam ex Teutonico *Ebre* & *Mann* deducens , vocabulum illud valere *Honor hominis* affirmat ; alias hujus vocis derivationes , tanquam proposito suo insensas , omittens , quibus Vossius , Cangius , & alii *Clientem Domini* , & *Hominem Domini* significare asserunt . Inde Diplomata , Judicata , & alia in lucem edit Documenta , quibus Arimannos , vel Hermannos Beneficia , Allodium proprium , & jura quædam possedisse probat , præsertim in judicio assidendi cum Episcopo , & Sacerdotibus ad lites dirimendas ; ut in Placito Lucensi ; & præsidendi regimini Civitatis , ut ex Diplommatibus a Lothario 11. & Friderico I. Augustis . Civibus Mantuanis concessis , deducit idem vir summus Muratorius , proposito suo , & sententiæ plusquam satis additus . Cum enim antequam chartas illas proferret , propositionem , quasi ut certam , affirmaverit : Hermannos liberos homines fuisse , immo quodam*

*dam nobilitatis gradu ornatos , militiaeque additos , fundo aliquo in beneficium a seniore accepto ; omnem exinde movet lapidem , ut eos nobiles Milites fuisse demonstret , interpretis , & glossatoris fungens munere in illis chartis commentandis , & ad proprium sensum aliqua violentiuncula , ut ita dicam , trahendis . Nihil enim aliud , si quid video , ex illis documentis deduci vere posse arbitror , nisi Hermannos fuisse homines sua natura quadam libertate gaudentes , sed ita domino suo Comiti , vel Sculdassio obligati ad quædam , præcipue militaria , honestiora onera subeunda ; ut servitutis cujusdam honestioris jugum portaverint . Et grave quidem jugum , a quo sublevari , nec a dominorum , vel Comitum continentia , & benignitate poterant ; lege enim Guidonis Imperatoris cavebatur , inter Langobardas 11. Tit. x1. Lib. 111. , quod si Arimannus monitus ad defensionem patriæ se hostiliter præparandum , defecerit , Guidrigilt suum componat , scilicet pretium sui solvat ; quod pretium Comes exigere , nisi cum Misso Palatii Imperatoris , nequibat ; res enim ad Principem immediate pertinebat . Sed an ævo illo homines nobilitaverit debitum in militia , & in exercitu serviendi , videant alii : Mihi quidem constat , in more fuisse & liberos , & servos sui Comitatus , & in districtu suo commorantes , Comites ad exercitum indistincte convocavisse , cum res posceret , castigatosque se subtrahentes , & inobedientes juxta sensum hujus legis inter Langobardas 11. loc. cit. *Quicumque igitur ex laicali ordine , tam liberi , quam servi homines in Comitatu manentes a proprio Comite , vel a publica parte , ab his , qui rempublicam agunt , moniti fuerint ; si se subtraxerint ab adjutorio sui proprii Comitis , & eum non adjuverint infra ipsum Comitatum contra prædones venientes in suo Comitatu , tertiam partem liberi ex suis mobilibus componant . Servi autem Lx. ipsis a propriis dominis acci-**



*piant ; si probatum fuerit , quod eis fuisset denunciatum .* Servi igitur quoque cum liberis vocabantur a suo Comite ad exercitum ad militiæ honorem capeffendum . Forte servi hi ab hoc debito militiam exercendi sub suo Comite nobilitatos fuisse , & extra ordinem servorum constitutos in gradu honestiorum , credere debemus . Si Hermannos , vel Arimannos hac de causa nobilitate donatos , & præditos existimamus , cur non servos hosce ?

Sed judiciis , & litibus dirimendis assidebant cum Episcopo , & Sacerdotibus . Verborum apparatus hic speciosus est admodum , & quid magnum præ se ferens oculos implet , & mentem . Scire vellem ; an Hermannii isti judicaturi assiderent ; vel ut dignitatem judicis , & Tribunalis venerabiliorem redderent , reverentiæ & obedientiæ conciliandæ gratia Tribunali adstarent ? Officium , uno verbo , Apparitorum implentes , & munus ? Si hoc Apparitorum munus exequabantur , quamvis militare , & honestum , quasi Somatophilaces , sive Corporis Custodes ; quisque depræhendit , quanta , & qualis ipsis ab illo munere nobilitas derivare potest ; præsertim si Comitibus tantum , & Sculdassis officium hoc impenderent . Videmus namque & hodie ministerium hoc Magistratibus nostris , qui pro antiquis Comitibus regioni præsident , præstare milites gregarios , nec notæ honestioris , quique exinde nihil honoris , & multo minus nobilitatis gradum , sibi adipiscuntur ; sed ut fuere gregarii , & ignobiles , sic permanent , quamvis sæpius ad memoratum munus vocentur . Sin vero Hermannii judicaturi judiciis assident [ quod minime ex chartis editis liquere videtur ] nihilominus , cur eis nobilitatis gradus ideo sit affigendus , nullus video . Quot enim in Foro julio judicaturi Tribunalibus adstant , vel Feudatariorum nostrorum , vel Monasteriorum , Ecclesiarum , vel Abbatum , aut Capitulum ,

lorum, vel aliorum a Principe jurisdictionem habentium, qui ideo nuncupantur *Astantes* hujuscemodi judiciorum; & nihilominus nullam exinde sibi contendunt deberi nobilitatem, vel honorem, aut titulum nobilium sibi deposcunt? Et revera, quomodo Villani, & Rustici illi *Astantes*, qui tales sunt plerumque, immo omnes, possunt id honoris prætere, eo quod Tribunali judicaturi assideant; si ut ad Tribunal accesserunt visu, vestitu, verbo, & opere Rustici ignobiles, ac viles, tales itidem semper inde regrediuntur & permanent? Sed judicaturi assident Comiti, vel ejus vicesgerenti, cum de vita, de substantiis, de libertate, & de fama hominum Comiti illi subjeetorum lites disceptantur. Quid inde tamen? Nobilitatis gradum eos habere hujus officii causa judicare debemus? nil minus. Antiqua lex est hac in provincia, literisque Pontificiis firmata, qua decretum est, nullum esse judicium, quod non per *Astantes* pronunciatur [ ab ea producenda nunc supersedeo, alibi fortasse locus aptior erit, & convenientior ] ideo forte sancita est, ut tot Rustici viles, & infimæ notæ in nobiles viros evadant? Quis credat, viros fuisse Principes tam supinæ ignorantie, qui hac de causa insulsa, & fatua talem conderent legem? Eam, ut Democratiam aliquam, cui erat assuetus, barbaro populo servarent, condidere, reservata nobilibus, & judicibus majoribus recensione, & correctione judiciorum, qui ab *Astantibus* hisce prodirent.

Sed detur Assertori doctissimo Hermannorum nobilitatis, & concedatur, quod ipsi ex suo officio nobiles sint; quamvis ipse quoque subdubitans per totam laudatam XII. Dissertationem id asserat, & in calce ipsius dubietatem suam aperte proferat his verbis: *Atque adeo en causa, quare confessum Arimannorum, in charta Lucensi memoratum, minime accipere audeam de nobilibus dumtaxat. Quamobrem lubet continere judicium,*

eum, & concessisse, quæ potui, de Liberis Hominibus, atque Arimannis. An isti Vassallorum, sive Optimatum, sive Nobilium Hominum cætum constituerint, nec ne, alii fidentius decernendum relinquo. Sed detur & concedatur, inquam, ita fuisse in Lucensi, & Mantuana regionibus; non enim ultra Chartæ prolatæ se extendunt; nec inde idem fuisse ubique locorum, elicitur; & multo minus hac in nostra Foro-Julienſi provincia, in qua aliter, ac ipse statuit, fuisse, subſtus deprehendemus. Proinde nullo jure, & gratis ab eodem doctiſſimo Viro in laudatæ Diſſertationis fine aſſeritur: *Fidentiffime quidem pronuncio, non fuiſſe Arimannos ſervorum genus, ſed pluris quam ceteræ ſervorum ſpecies æſtimatum, immo ſupra vulgarem conditionem ſervilem, quæ ſententia fuit Illuſtriſſimi & Colendiſſimi Fontanini in Opusculo de Maſnadis pag. 45. explodenda ſane ex iis, quæ hætenus attuli.* Sed, quæ attulit, aliis regionibus, non Foro-Julii, quod aliis moribus, & conſuetudinibus eſt uſum, ſunt convenientia; non unus enim mos fuit ubique, aut conſuetudo, ut dictum eſt. Sed præſtat Fontanini verba ipſa producere, ut quiſque dijudicare poſſit, an vir ſummus ſenſum ipſius verum, & genuinum fideliter latinis adlatis verbis expreſſerit. Hæc Fontaninus loco citato a Muratorio: *Queſti erano gli Armanni, che di condition vile ſono ſtaſi creduti da alcuno; opinione ragionevolmente abbattuta dal Du Cange; imperciocchè eſſi erano immediatamente ſoggetti ai Conti, e agli Sculdaffi, cioè ai Giudici &c. In un Diploma dell' Imperadore Corrado preſſo il Sigonio de Regn. Italia Lib. v III. ſono poſti, come diverſi da i Servi. Il loro uſſicio era di militare, e cuſtodir le Caſtella ſotto i Conti, ed altri Regii miniſtri. Erano in ſomma perſone di guerra, ed obbligate a prender l' armi per ſervizio del Padrone, e lo ſpiega il nome dedotto da H r, e Man, cioè uomo d' eſercito; e Marculfo nel Lib. 1. Form. v III. chiama*

*chiamata le Armannie famiglie militari, e gli Armanni son chiamati liberi da Carlo Grasso &c.* Videat Lector, quam bene Fontaniniana, latine adlata verba a Muratorio, in sensu cum ipsis Fontanini verbis convenient; quæ, me hercle, ne illum quidem a veritate exorbitant, dum Hermannorum Foro-Julienfium statum, & conditionem nobis exponunt; ut subinde palam fiet.

*Arimanni*, vel, ut verius, *Hermann* in Foro-Julii provincia erant plane iidem, qui ab ipsa eorum vocabuli significatione produntur; nempe ut Vossius interpretatur ab *Here & Mann*, Cliens Domini, vel potius ab *Heer*, quod dominus valet, & *Mann*, Homo, scilicet *Homo Domini*. Nam ipsi erant homines, fere ex subditis eorum Castrorum, quorum militari custodiæ erant obligati; qui semper, vel ad nutum Domini Castris præstare debebant militare servitium ad custodiendum, & defendendum Castrum; Et hoc propter Beneficium domus, vel prædii, quam, vel quod ipsis, inuncto hoc onere, possidendam, vel possidendum eorum Domini concedebant. Nec rari erant Arimanni hi, vel Armanniæ hac in provincia; fere enim omnia Castra, quæ non erant concessa in Feudum Habitantiæ, aut alio temporario, & infirmiori titulo, sed in Dominium, & possessionem dominorum data erant cum jurisdictione, & aliis nobilibus prærogativis Feudalibus; omnia, inquam, Armanniam, scilicet hominum catervam, vel corpus habebant, quod defendendi manu armata castrum domini sui arcto debito tenebatur. Et præterea alii erant Arimanni publici Principis, qui ab ipso ad defensionem Castrorum Gastaldiarum erant additi; quibus per officiales suos, singulis annis deputatos, Princeps dominabatur, vel eos ad suæ voluntatis placitum, Fundis, & domibus concessis in illo, vel in illo Pago, alebat; Aut militaturos, cum res poscebat, quo a Principe demandabantur; Aut do-  
nandos,

nandos, & concedendos, plerumque jure Feudi, strenuis suis militibus, Castellanis, Officialibus, vel aliis, qui aliquo in munere de se bene erant meriti; vel quandoque, cum pecuniæ raritate premerentur, instantibus bellis, ære conlato emptoribus alienabat. Hujuscemodi Armannos, ut aliquos pandam, habebant Principes nostri in Pago Reanæ, illi Cortinæ addiſti; quos forte Savornianis Dynastis conceſſerunt ineunte tempore; habebant quoque Armannos Fraellazi, verisimiliter Castro Tricesimi obligati, qui adhuc in Principis immediato dominio adſunt, & alibi. Domini vero Caſtri Artenæ, qui deſierunt eſſe eo in Caſtro quatuor quaſi ab hinc ſæculis, Armannos, & Armanniam ibidem poſſidebant; Vicecomites de Mels Armanniam de Sudrio, & de Rivo, & per totum canale, ut ajunt, S. Petri de Carnea, beneficio Comitum Tyrolis, obtinebant; Domini de Vendolio Armannos quoque non longe a ſuo Caſtro habebant; Savorniani Comites plures ex his Armannis poſſidebant; in pago enim Hinus, Monasterii, Adorniani, & forte alibi, hujuscemodi militum corpora dominabantur; & alii plures.

Nec crederes tamen, hos ſuos deſenſores, & milites largis, & pinguibus Beneficiis Fundorum late patentium noſtros Principes, & Dynaſtas Forojulienses demeruiſſe ita, ut talibus Armannos Beneficiis honoratos ad honeſtioris ſtatus conditionem eos ſublevaſſe viderentur, ut cum fortunis eſſent adaucti, etiam dignitate, & nobilitate ſtatu, & conditione gauderent. Nil minus. Tantum domus, vel prædioli ſingulis his Armannis ſuis poſſidendum tradebant, ut vix ſe alere militem, cum muneri ſuo implendo deſerviebat, nec Familix ſux quicquam reliquum ad ſe ſuſtentandam relinquere poterat. Ut mihi compertum eſt ex pluribus chartis, ſed præcipue ex venditione manu Johannis Notarii q. Blaſii de Gemonia [mihi in Apogr. tom. XVI.

num. 184. ] facta anno 1327. 14. Septembris ab Hendrino Gastaldione Dominorum de Pramperg cuidam Stephano Mauro q. Jacobi de Salto de Artenea, quarundam domorum cum *Sedimine*, *Curia*, & *horto*, *bajarzio*, & *Terra*, posita in Salto in Arteneæ districtu, pretio trium Marcharum, & XL. denariorum monetæ Aquilejensis; In qua insuper Emptor sibi debitum annuatim solvendi jure Armanniæ Johanni Domino Castri Arteneæ octo Veronenses parvulos assumpsit. Ex quo documento deprehendere, mihi videor, domos illas cum annexis horto &c. & terram in Salto fuisse verisimiliter Armanni unius beneficium; pro quo ad custodiam Castri Arteneæ militem agere deberet; quod beneficium nil aliud singulis annis reddebat, nisi valorem octo Parvulorum; Nihil enim amplius, postquam servitium militare desuit, & in annuam præstationem transiit, Armannia exinde percipiebat.

Ex hac autem misera Beneficiorum tenuitate, Armannis pro servitio militari concessorum, horum servitii cessationis originem mihi videtur fluxisse, cum enim parum exinde utilitatis perciperent, quæ ad se alendos, ut dictum est, cum servitio adesse deberent, non valeret, plusque oneris quam emolumenti ipsis inde proveniret; beneficiis illis valedixerunt, ea dominis suis dimittendo, & se militari servitio exuerunt. Ut autem postea vacantibus his beneficiis possessores invenirent, & sibi aliquid pararent inde commodi, aut fructus, eo jure, quo censebantur quondam, Armanniæ, aliis pro annua præstatione vel frugum, vel vini, vel pecuniæ, vel omnium, locabant Domini Castrorum, vel Princeps, & concedebant. Quod quingentis ab hinc annis evenisse, mihi persuadeo, ut ex Charta, tenuitatem hujuscemodi beneficiorum, servitii militaris cessationem in Armannis, tempus, & causam hujus cessationis demonstrante, quam immediate dabimus, compertum est.

Investi-

Investitura, qua Gregorius Patriarcha Aquilejensis  
concedit Begnæ, & sociis de Reana cxxv.  
Campos Terræ, de jure Armanniæ suæ dicti  
loci ad rectum fictum Aquilejensem pro annua  
præstatione census. Anno 1257.

„ MCCLXXXVI. Ind. ix. Die vero ix. intrante  
„ Februario. Aquilegie in Capitulo Cathedralis Ec-  
„ clesiæ. Pñs D. Magistro Alberto Cantore, Gillo-  
„ no Archidiacono, Philippono, Castono, & Napi-  
„ no de la Turre, Hermannno, & Jacobo de Utino,  
„ Magistro Leonardo de Favugnaco, ac Alberto de  
„ Tridento Canonicis Ecclesiæ Aquilegen. Martino  
„ Præposito S. Felicis de Aquilegia, & aliis. Cum  
„ D. Raymundus Patriarcha Aquilegen. quodam Pri-  
„ vilegium per bon. mem. D. Gregorium Patriarcham  
„ Aquilegen. sub ipsius sigillo pendenti concessum Ho-  
„ minibus de Reana scriptum, & authenticatum ma-  
„ nu Johannis Notarii de Lupico sub anno Domini  
„ MCCLVII. Ind. xv. Die v. intrante Junio, in quo  
„ continetur. Qualiter D. Gregorius Patriarcha de  
„ Terris Harmanie, seu pertinentibus ad Harmanniam  
„ sitis in Reana, investivit Begnam filium q. Henrici,  
„ Jacobum filium Maii, Corradum filium q. Bertaldi,  
„ & Nicolinum filium q. Sabatini de Reana, recipi-  
„ entes pro se suo nomine, & nomine ac vice omnium  
„ de Reana. quæ pertinebant, & obtinebant illi Pla-  
„ cito, quod Harmania dicitur, investivit jure livelli,  
„ censum, seu fictum solvendo annuatim ipsi Domino Pa-  
„ triarche &c. Quodque Cortina Ville de Reana de-  
„ beat esse libera a qualibet persona, salvo jure D. Pa-  
„ triarche, & qualiter d. D. Patriarcha investivit ad  
„ Rectum Fictum Aquilegen. dictum Begnam, & alios  
„ præfatos de Reana recipientes pro se suo nomine, &  
„ omnium illorum, qui tenebant, vel destinuerant cxxv.  
„ Campos sitos in Territorio Reanæ in loco, qui dici-

„ tur,

„ tur, *Tavella Zelata* &c. de Campis eisdem solvendo  
 „ antedicto D. Patriarche &c. certum censum, seu  
 „ fictum, innovari, & transcribi per manum ejusdem  
 „ Johannis Notarii cum foret vetustate consumptum,  
 „ mandasset, prout in insto. publico confecto, ex-  
 „ tractum per d. Johannem Notarium sub anno Do-  
 „ mini MCCLXXXVI. Ind. IX. Die veneris penultimo  
 „ Decembris, & ipsius Dom. Raymundi Pate. A-  
 „ quilegen. sigillo cereo pendenti munito plenius con-  
 „ tinetur. Ven. Viri D. Paganus de la Turre Deca-  
 „ nus & Capitulum Ecclesie Aquilegen. ibidem pro-  
 „ pter hoc more solito congregati. Predictum privile-  
 „ gium & omnia contenta in eo ratificaverunt &c.

„ Ego Antonius Bellonus Notarius descripti  
 „ ex antiquo Protocollo manu q. D. Valterii Nota-  
 „ rii &c.

Medio igitur sæculo XIII. Armannorum militare munus hac in provincia defecerat, vel erat interiturum; corpus enim horum militum, quod tunc Princeps Reanæ habebat ad custodiendam armata manu Cortinam illam [ scilicet Castrum sine propugnaculis, & simplici muro circumdatum ] quæ suberat Gastaldie Tricesimi, per suos Patriarchales Magistratus recte, non amplius ad illam Cortinam tuendam tenebatur. Propterea hac in investitura eadem Cortina pronunciatur libera a quacumque persona, quæ posset ratione defensionis eam inhabitare, & in ea commorari; & reservatur libera tota potestati, & imperio Principis. Hinc quoque observatione digna est exiguitas beneficiorum, his militibus eo in pago consuetorum concedi; cum corpori integro horum Armannorum, pro omnibus recipientibus ibi nominatis, centum vigintiquinque *Campi Terræ* tantum fuisset in more concedi; quot si uni tantum ex illis traditi fuissent ad possidendum, non multum tamen esset concessum. Unde evidenter possumus



mus intelligere; si propter Beneficiorum, ipsis concessorum, amplitudinem, & dignitatem Armanni nostri, Forojulienes plebejum eorum statum, & conditionem poterant exuere, & in Nobiles evadere, ac honoratos milites. Notandum insuper quod Armanniæ istæ, scilicet Armannorum corpora, appellabantur quoque *Placita*, & *Playta*; quibus vocabulis nihil aliud in hisce chartis, quam corpus hoc significabatur; ut in hac charta *isli Placito, quod Harmannia dicitur*; quod deinceps usuveniet. Nam cum Armanui nostri præter servitium militare ad castra custodienda assistere, & adstare Domino suo in judicio deberent; hinc corpus eorum appellatum est *Placitum*, & *Playtum*, quod est conventus, & convocatio plurium ad disceptanda negotia, vel lites judicandas; Ideoque hoc vocabulo demonstrabantur hac in regione hi Armannorum conventus, & Armanniæ ipsæ, quæ in tali conventu conveniebant, & adstant. En adest exemplum in charta, quam subjungo. Ipsa est alterius corporis, sive Armanniæ, Fraellaci Pagi nostri Forojulienfis constitutæ, quæ juris erat Principis, ipsique subiecta per suos officiales, Gastaldiæ eadem Tricesimi superimpositos; quam ex Notis autographis Bartholomæi de Superbis Not. Tricesimi descriptam servo inter mea Apographa Tom. xvi. numero 522.

Instrumentum Licitationis, vulgo *Incanti*, bonorum Armanniæ in Fraellaco, factæ in Placito, seu Conventu Armannorum, adstantibus Vicecap. Tricesimi, & Armannis. Anno 1419.

„ Anno Domini mccccxix. ind. xi. Die Dominica v. mensis Februarii. Actum in villa de Fregelaco, ubi solet teneri eorum Vicina, seu *Placitum*.  
 „ Ibiq. coram *Mitrio Vicecap. Tricesimi* presentibus  
 „ Nicolao Picanoq. Morandini de Quas, Leonardo  
 „ Albo de Montegnaco, Nicolao q. . . . Marchetta-  
 „ ni de Adorgnano, Nicolao Pidrussii de Fregellaco,  
 „ Tur-

„ Turbano q. Pontelli, Antonio q. Nicolai ol. Pidrus-  
 „ fii, Nicolussio q. Vulpri de Fregellaco, Francisco q.  
 „ Johannis. . . . Antonio Cyo de Fregelaco, Simo-  
 „ ne q. Leonardi Rizogne de Fregelaco, nec non Jo-  
 „ hannes Bitussinus q. Valsfranchi de Fregelaco *juratis*  
 „ *dicti Dechani, omnes homines Armani Domini Pa-*  
 „ *triarche* testibus &c. Ibiq. Johannes q. Petri Vul-  
 „ pii protestatus fuit ibidem &c. Qualiter emisse unum  
 „ *Incantum* delivratum inter quindecim dies. Deliv-  
 „ ratum fuit certa bona sita in villa de Fragelaco. Re-  
 „ tulit dedisse aras in Centa Incanti soldos xt. & ibi-  
 „ dem proferuerit eys dare marcham unam soldor. &  
 „ voluit eys dare sicuritatem per totam diem, ipsi non  
 „ voluerunt ey, non dante ibi nisi oretenus pre-  
 „ cium &c.

Hic vides, primo designari locum, ubi Conventus  
 hi fieri consueverant; scilicet Fraellaci, ubi solet tene-  
 ri eorum *Vicinia, sive Placitum*. Inde intelligis solum  
 convenisse eos, qui inter Armannos illius Armanniae  
 censebantur, etiam de aliis locis, & pagis; quia Terras,  
 & res ad dictam Armanniam spectantes, & pertinen-  
 tes possidebant sub ejus pagi districtu; & eos omnes hic  
 appellatos fuisse *Homines Armannos Domini Patriarche*;  
 quia hæc Armannia erat ejus propria, & ipsi, suis Re-  
 storibus Gastaldiae Tricesimi mediantibus, erat subiecta.  
 Præterea judicium hoc licitationis a Vicecapitaneo, qui  
 Tricesimi Gastaldiam tunc pro Patriarcha moderabatur,  
 institutum; in quo ipsum resedisse ut judicem depræ-  
 hendimus, adstantibus tantum, non judicaturis illis  
 Armannis. Id enim valere mihi videntur ea verba: *Co-*  
*ram q. Mitrio Vicecap. Tricesimi presentibus Nicolao Pi-*  
*cano &c.* <sup>τδ</sup> *Coram* namque semper judicanti, vel ju-  
 dici adjungebatur, & judicaturum demonstabat; &  
<sup>τδ</sup> *presentibus* designare testes etiam in judiciis, passim  
 in chartis nostris Foro-Julien-sibus animadverti; quod eo  
*Liruti de Servis &c.* D ma-

magis hic videri debet, cum in fine apponatur *testibus*. Nec equidem negaverim, hos Armannos; quamvis uti testes hic nominatos; de rebus disceptandis protulisse sententiam suam; eo modo, forma, & jure tamen, quo alii astantes in omnibus, & quibuscumque judiciis Forojuliensibus idem quondam præstabant; de quibus aliquid supra differuimus. Alia etenim in charta, quam edituri sumus, quamque temporis recentioris e notis autographis Valentini Venerei Notarii Tricesimi in mea Apogr. Tom. xvi. num. 486. transtuli; non uti testes, scilicet *presentes*, Armanni, qui erant tunc temporis Fraellaci, nominantur, sed uti sedentes in Placito, si-ve judicio Armannæ dicti loci, conscribuntur cum Vicecapitano Tricesimi, deliberaturi de quadam parte Terræ, a quodam Armanno dimissæ propter impotentiam debitam pensionem solvendi; quam ideo concesserunt cuidam Jeremiæ Janzil de Vergnaco, qui in locum dimittentis ab ipso Conventu, seu Placito Armannorum receptus postea fuit in eorum vicinum, & consortem dicti placiti, scilicet in Armannum illius Placiti.

Charta dimissionis Ant. de Vendolio incolæ Fraellaci de Terra, quam in Placito Armannis concesserunt Jeremiæ Janzil cum assumentes in consortem Armannum. Anno 1551.

„ Anno Domini 1551. Ind. ix. Die 11. mensis  
 „ Februarii. Actum in villa Fregellaci penes puteum  
 „ Communis. Pñs Osvaldo q. Petri de Loneriaco,  
 „ & Petro q. Luchini Puntussii de Fregelaco, & Cle-  
 „ mente filio probi viri Pontelli Puntussii de dicto loco  
 „ testibus &c. Ubi Simon q. Vidoni Rizogna *Decanus*,  
 „ & Michiluttus q. Johannis Temblacii *juratus Placii*  
 „ *de Fregelaco*, juramento eorum officii retulerunt  
 „ mihi Notario infrascripto. Quod heri Antonius, &  
 „ Johannes fratres filii q. Nicolai Rubei de Vendoleo,  
 „ habitans in Fregelaco, sibi Decano, & jurato re-  
 nun-

„ nunciarent infrascriptum dimidium Campum , di-  
 „ centes , se non habere modum solvendi assitum , sol-  
 „ vi debitum d. Playto super eo ; & hoc in Placito se-  
 „ dente Modesto eorum fratre , Vicecap. Sp. D. Johan-  
 „ nis Baptistæ de Ballis Honf. Cap. Tricesimi in loco  
 „ solito ex consuetudine cum infrascriptis vicinis Play-  
 „ ti prædicti , vid. vocatis ad sonum Campanæ de more  
 „ sedentibus cum d. D. Vicecap. vid. Johanne q. Petri  
 „ Meniæ de Lomeriaco, Johanne q. Thomæ Colauti ,  
 „ & Leonardo q. Berthuli Colauti de Adornano , &  
 „ suprascripto Johanne Nicolai Rubei , & Baptista  
 „ q. Petri Puntussii , Gregorio Driulino , Baptista Ri-  
 „ zogna . . . . . & Rugerio de Sanctis de Fregelaco ,  
 „ qui omnes suprascripti unanimiter , & pari consensu  
 „ deliberarunt in manibus Jeremiæ Janzil de Vergnaco  
 „ unum dimidium Campum situm in finibus Fregelaci  
 „ in loco d. Pascal præfenti &c. se &c. stip. et accipien-  
 „ ti cum onere solvendi quotannis eidem Playto , &  
 „ Decanato Frumenti Dreßa duo , et Avenæ Dreßum  
 „ unum , qui medius Campus confinat etc. Ita quod  
 „ amodo d. Geremias Vicinus & Consors d. Placiti sit ,  
 „ & Decanatus . Quam deliberationem suprascripti  
 „ Decanus , jurati , et vicini promiserunt etc.

Hanc cum superioribus editam chartam volui ;  
 tum ut pateret , qui essent nostri Armanni in suo servi-  
 tio militari , tum qui essent in eorum judicio , sive Pla-  
 cito , cum Tribunali Officialium , sive Rectorum Pa-  
 triarchalium adstarent , vel assiderent ; Et præterea  
 quanta essent Beneficia , ipsis a Dominis suis constata ;  
 ut exinde cujus status , gradus , et conditionis essent  
 Armanni nostri , quisque dijudicare possit . Sed eviden-  
 tius patet ex duabus ultimis chartis , ad Armanniam  
 Fraellacensem pertinentibus ; ibi enim nominatim re-  
 censentur omnes illius Placiti Armanni , qui illis duo-  
 bus in Conventibus adfuere . Videat , quæso , Lector ,

an ex eis unus aliqua honoratus dignitate, vel nobilitate reperiatur, titulis honorariis debitis illi tributis, vel saltem honestiori aliquo titulo ab infima rusticorum plebe distinctus. Nullus mehercle, omnes puro, simplicique nomine sunt descripti, ævo etiam XVI., quo titulorum phaleræ in communem usum irrepere cœperant. Non erant ergo Arimanni aliquo nobilitatis gradu in nostro Forojulio distincti; non ævo nostro, seu non longe ab hinc distante, non antiquis superioribus sæculis. Si enim officium, et munus Arimanni nobilitate aliqua antiquiores ejus possessores illustrasset, nulli dubium, quod hodie quoque id efficeret; sed nostra in provincia, ubi adhuc Armanniæ quædam vigent, nemo usque dum nobilitatem somniavit.

Ceterum, ut more meo verum ingenue fatear; mihi dubitanti nescio quid subolet, fuisse forsan in Forojulio duas Hermannorum species; nobilem unam, honoratoque decoratam gradu; alteram tenuioris fortunæ, et vix plebi infimæ superstantem, de qua jam disseruimus. Dubium hoc mihi injecit Scheda, sive Memoria, nescio an ab Antonio Bellono, vel ab alio concinnata, quæ mihi adest in Apogr. n. 768., quamque mecum quondam amicissimus Hieronymus Fontaninus, Archiepiscopi Ancyrani frater; et Canonicus Aquilejensis communicavit; in ea hæc habentur: *Extant in Filzid Belloni Senioris, cooperta Membrana, Instrumenta, Partes, & Privilegia. Terminatio, quod Glemenses vocati Arimanni, seu Edelingi non graventur ultra quam pro CL. Libris, facta in 1280. 4. Julii.* Quid sint Arimanni jam vidimus, etiam in sensu Muratoriano; Quid sint Edelingi, Cangius his verbis nos docet: *Vox originis Saxonica, quæ nobilem, & natalium splendore illustrem quempiam significat; ab Ædel, vel Edel, nobilis; quam etiam nunc usurpant Germani eo significatu.* Ut ex Dictionario Franco-Germanico-Latino Duez  
com-

compertum plane est ; Et eandem hanc vocem habere significationem confirmat explicans voces quasdam Gothicas, Vandalicas, et Langobardas Hugo Grotius. *Adalingi, Arbalingi; Nobiles Paulo interprete*. Quam equidem hujus vocis interpretationem habemus a nostro Paulo Diacono lib. I. cap. XIII. de Gest. Langob. hisce: *Omnes autem [ loquitur de Regibus ] Adelingi fuerunt. Sic enim apud eos quædam nobilis Prosapia vocabatur*. Nullibi hanc Terminationem, ut eo verbo utar, invenire potui ; Ideoque mutus in hac parte cum dolore reticere cogor ; cum Glemonensium meorum antiquissimæ nobilitati hoc quoque adjungere ornamentum, et decus nequeam, nobilis scilicet et illustris Edelingorum Hermannicæ, unice, quod sciam, ab illis inter nostros Forojulienfes possessæ.

## V.

*De Servis de Masnata.*

Sed utcumque ab Arimannis expediti ad homines de Masnata transeamus. Vox hæc *Masnata*, sive *Masnada*, varie ab aliquibus derivatur, sed cum doctissimis Fontaninio nostro, et Muratorio nos eam a *Manfus* ( qui lingua nostra, vel Dialecto Forojulienfi appellatur *Mas*, ab antiquo Galliarum sermone, qui plurimum in hac nostra Dialecto abundat ) et *Natus* originem suam ducere pro certo habemus ; Quasi Homines illi in Mansis nati, alti, et educati, a Mansorum Dominis ibidem positi rustico operi serviebant. *Manfus* enim, ut placet Cujacio lib. I. tit. I. de Feudis *vel Fundus est, unde quis se, & familiam suam tueri satis commode potest ; ac præterea redigal, sive censum Domino referre* ; quem antiqui nostri hic esse vigintiquatuor, ut ajunt, Camporum decreverunt ; quæ agri quantitas ad alendam Familiam colonorum, et ad censum solvendum sufficere potest, ut nostris est in comperto. Homines igitur hi de *Masnata* ita appellabantur, quia upi-

cuique Manſo iſtorum hominum familia imponebatur, tum ad ſe alendum, tum ad præſtandum domino feudi certum annuum canonem, & penſionem, tam frugum, quam operarum perſonalium; prout inter dominum & ſervum erat conventum, ut plerumque vel ad libitum, & voluntatem domini.

Hos Homines de *Mafnata*, ſive de *Maxinata*, vel de *Macinata*; ut appellantur in Chartis Ferrarienſibus, a Muratorio editis; quæ verba idem ipſi cl. viro ſignificare videntur; ipſe in laudata Diſſertatione XIV conditionis ſervilis non fuiſſe in ditione Ferrarienſi pluribus conatur evincere; quam quidem illi facile concederem, niſi ad alias Italiæ regiones id quoque trahere videretur. Cum enim tota pene ejus diſquiſitio, & conatus Feudorum innitatur inveſtituræ, factæ ab Azone VII. Marchione Eſtenſi, vel Ateſtino Petro filio Dominæ Venetiæ Homini ſuo de *Macinata* anno 1262. & illa inveſtitura cum aliis chartis ab ipſo productis, ad id confirmandum, *Homines* iſtos ita ſemper appellant, numquam *ſervorum* vocabulo; non video, cur homines hi ejusdem conditionis cenſeri debeant cum aliis hominibus de *Mafnata*, qui vere & nuncupabantur, & erant ſervi; & fidenter pronunciare, univerſim *Homines* hos de *mafnata* militaris gradus fuiſſe, Feudorumque ac nobilitatis capaces, quam cum Feudis induere ſolerent. Forte in ditione Ferrarienſi, & ſub Ateſtinis Marchionibus alia ſpecies erat hominum de *Mafnata*, quæ inter nobiles locum habebat; vel Homines iſti Ferrarienſes de *Maxinata*, ſeu *Macinata* idem non erant cum hominibus noſtris de *Mafnata*, nec eandem ſignificationem voces hæ habebant. Sed hoc quoque viro doctiſſimo concedatur, quod ſub illis principibus & Ferrariæ Homines iſti de *Maxinata* ad nobilitatem, Feudis a Principe ipſis conlatis, accedere poſſent; hoc tamen in exemplum pro noſtris Forojulienſibus hominibus de  
*Mafnata*

*Masnata* nequaquam trahi potest . Nam antiqui nostri tanquam servos homines istiusmodi possidebant ; eo vocabulo eorum servilem conditionem demonstrabant ; deque illis , quocumque contractu mediante , disponebant ad libitum , & denique ut servos suos manumittebant . Hi præterea homines , et servi de *Masnata* in Feudum a Patriarchis nobilibus viris concedebantur ; ut pluribus in locis videre est in Aquilejensi thesauro ; ubi Henricus Dominus Zellaci an. 1300. fuit confessus habere in feudum ab Ecclesia Aquilejensi inter alia partem suam castri de Soclevo , et partem suam *Masnata* hominum de Cuynias in Carnea . D. Otto de Glemona de consilio Canonicorum , vassallorum , et ministerialium Ecclesiæ Aquilejensis investitus fuit anno 1212. a Patriarcha Wolschero inter alia de terra , et *Masnata* , et omnium , quæ habebat in castro , et villa de Tiven . D. Bertoldus de Castillerio confessus fuit anno 1292. habuisse in feudum ab Ecclesia Aquilejensi inter alia homines tresdecim de *Masnata* , computatis fœminis , et masculis ; et alibi .

Cuicumque quoque contractui subjacebant , ut alia mobilia animata , et inanimata , et immobilia ; titulo enim venditionis alienabantur , usitatis , et consuetis formulis , et solemnitatibus , quibus res aliæ vendundabantur ; ut ex hoc instrumento , quod ex notis Francisci Sibelli not. Glemonensis in mea apographa transtuli num. 867.

Domini Ulvinus & fratres q. D. Henrici de Pramperch vendunt D. Lappo de Amideis de Florentia , habitatori Glemonæ suam *Masnata* de Trava . Anno 1324.

„ Anno Domini MCCCXXIV. Ind. VII. die VI. in-  
 „ trante Octubre . Pñs Henrico filio D. Artichi  
 „ de Pramperch. presbytero Jacobo q. Coculi . Jacobo  
 „ filio q. Conradi de Macellis &c. Domini Ulvi-



„ nns . Artuichus . & Guigelmus fratres filii D. Hen-  
 „ richi de Pramperch pro se et vice ac nomine fratris  
 „ eorum Henrici &c. *pretio CC. Libr. vr. par.* definito.  
 „ etsi plus valerent &c. dederunt , *vendiderunt*, tradi-  
 „ derunt &c. D. Lappo Amidey de Florentia habitatori  
 „ Glemone sibi &c. in perpetuum *Mafnatam* instam.  
 „ videlicet Pellegrinam uxorem Wecili de Trava fi-  
 „ liam q. Adami de Rivey, et Lucarde uxoris ejus . et  
 „ duos filios dicti Wecili presentis . vid. Travanum et  
 „ Jacobum . et filias suas . vid. Radiam. Domnizam u-  
 „ xorem Petri filii Johannis Ingarami de Trava . cum  
 „ duabus filiabus . vid. Candidam . et Constantinam .  
 „ et cum uno filio qui dicitur Marchus . cum omnibus  
 „ suis heredibus ab ipsis de cetero descendantibus . et  
 „ duas filias alias dicti Wecili presentis et volentis .  
 „ vid. Maddalenam et Margaretam . et omnes et sin-  
 „ gulos heredes masculos et feminas . ab ipso Wecilo ,  
 „ et a predicta Pellegrina jugalibus . et ab aliis filiis et  
 „ filiabus supradictis descendentes . *Ad habendum &c.*  
 „ *donandum &c. liberandum &c.* et ad Ecclesiam A-  
 „ quilegen. seducendum . et in hoc constituerunt eo-  
 „ rum certum Nuncium &c. Jacobum filium q. Con-  
 „ radi presentem .

„ Actum Glemonæ in portis ante domum olim Jo-  
 „ hannis Walsframi ec.

Nomine , et titulo donationis cuicumque ad libi-  
 tum domini concedebantur cum descendantibus eorum  
 omnibus , et bonis , ut ex subjuncto documento , quod  
 ex autographa pergamena , apud humanissimum Abba-  
 tem Binium existente , manu Thomasi q. D. Bellami-  
 ci not. de Spegnimbergo in meis Apegr. transscripti  
 numero 875.

Dominus Nicolaus dictus Parvus de Ragonia do-  
 nat in perpetuum Domino Wicardo fratri suo  
 de Colloredo Johannem , et Uravinum suos ho-  
 mines

mines de Masnata cum omnibus eorum hereditibus, et bonis. Anno 1333.

„ Anno Domini mcccxxxiii. Ind. i. die x. in-  
 „ trante Augusto. Pñs Dominis Willielmo dicto  
 „ Fanfino de Prampero. Tuceo Tusco. Henrico filio  
 „ ol. D. Odorici de Zoppola nunc Spegnimbergi com-  
 „ moranti. Et Petro filio ol. D. Juseffi de Glemona.  
 „ et aliis. D. Nicolaus dictus Parvus de Regonia  
 „ de certa scientia nec per metum errorem seu cir-  
 „ cumventionem aliquam de sua tenuta, et corporali  
 „ possessione per se etc. dedit etc. *atque donavit, pure*  
 „ *libere simpliciter atque irrevocabiliter*, D. Vicardo  
 „ fratri suo de Coloreto recipienti pro se etc. *Johan-*  
 „ *nem & Urvinum fratres filios q. Galiose*, suos Ho-  
 „ mines de Masnata cum omnibus eorum hereditibus  
 „ presentibus et futuris, et cum omnibus eorum *bonis*  
 „ *& pecuniis* presentibus et futuris. Ad habendum &c.  
 „ *vendendum donandum* aligenandum etc. permutan-  
 „ dum pro anima et corpore judicandum et *quidquid*  
 „ *ei & hereditibus suis deinceps placueris perpetuo fa-*  
 „ *ciendum*, absque omni contradictione et repetitione  
 „ dicti D. Nicolai etc. Promittens etc. dictam *Don-*  
 „ *ationem* ratam et firmam habere perpetuo etc. sub pe-  
 „ na dupli etc. valoris dictorum hominum et bonorum  
 „ ipsorum etc. Qua pena etc. Et dedit sibi ipsum Fan-  
 „ finum Nuncium specialem ponendi ipsum D. Wicar-  
 „ dum in tenutam et corporalem possessionem de dictis  
 „ Hominibus cum omnibus bonis suis etc.

„ Actum Spegnimbergi in Ecclesia S. Marie.

Quamvis hac in charta fratres nuncupentur, ne credas hos Colloreteum, & Ragoneum fratres fuisse Germanos, & exinde illustrem Colloreteorum gentem Castro quoque Ragoneæ dominatam fuisse; Fratres enim erant uterini, & filii ejusdem matris Benvenutæ de Turisendis Veronenſibus dominis Gardæ; quæ prius Jaco-

Jacobo Ragoneæ domino nupserat , ex quo Nicolaum Parvum supramemoratum suscepit ; & , eo vita functo , Guillelmo de Mels matrimonio anno 1294. 2. Junii juncta fuit , cui ipsa laudatum Wicardum peperit .

Præterea societates inibantur inter nobiles de fructibus , et utilitatibus , tam in bonis , quam in personis , quæ a servis in communionem , et societatem positis provenire poterant ; ut ex documento , quod descripsi ex Protocollo Candidi q. Johannis Vanni de Utino habitantis Tercenti , quodque mihi adest in Apogr. tom. xvi. num. 48.

Domini Nicolaus et fratres de Castellerio , et D. Frescus de Cucanea paciscuntur de servis de Masnata in societatem positis . anno 1393.

„ Anno Domini MCCCXXXXIII. Ind. 1. die xxv.  
 „ mensis Aprilis. Actum Utini super Platheæ dicti lo-  
 „ ci Pñs Nobb. Viris Dominis Johanne Paduano  
 „ q. D. Francisci de Coloreto, D. Hectore q. D. Fran-  
 „ cisci de Strassoldo , Francisco q. Odorici de Percoto  
 „ Utini habitantibus, et quoque Nicolao de Soldoneriis  
 „ Utini habitante testibus etc. Cum *contractum*  
 „ *fit matrimonium inter Lenam* filiam Nicolussii de Ca-  
 „ stellerio , *feminam de Masnata* Nobb. Virorum D. D.  
 „ Nicolai , Leonardi , et Morandi fratrum q. D. Man-  
 „ fredi de Castellerio ex parte una , et *Baldinum* q. O-  
 „ dorici de Budrio *Hominem de Masnata* nob. Viri  
 „ D. Freschi q. Egr. Militis D. Schinelle de Chucanea  
 „ parte ex altera , pro ut ibidem dicta omnia fateban-  
 „ tur etc. Nunc vero præfati D. Nicolaus , et Leonar-  
 „ dus fratres q. d. Manfredi de Castellerio per se etc.  
 „ ex parte una, et nob. vir D. Frescus q. d. D. Schi-  
 „ nelle Militis de Chucanea parte ex altera , ad tale  
 „ pactum et compositionem inter se pervenerunt etc.  
 „ Videlicet quod quotiescumque dictæ partes etc. *per-*  
 „ *venire vellent ad divisionem dictorum Baldini & Le-*

„ re

„ *ne jugalium*, & *omnium heredum suorum* tam ma-  
 „ sculorum, quam *feminarum* ex ipsis *descendentium*  
 „ *perpetuo in infinitum*, *nec non omnium bonorum* mo-  
 „ *bilium et immobilium* per ipsos *aquisitorum et aqu-*  
 „ *rendorum*, quod *facere debeant duas partes*, et di-  
 „ *videre in hunc modum*. Vidt. quod omnes *heredes*  
 „ *tam masculi quam femine nati et nascituri* ex dictis  
 „ *jugalibus cum omnibus eorum bonis mob. et immob.*  
 „ *& dote ipsius Lene* de cetero *aquirendis per dictos*  
 „ *jugales, dividi debeant per medietatem equalibus por-*  
 „ *tionibus inter dictas partes &c.* *Exceptis omnibus*  
 „ *bonis immobilibus* *aquirendis per dictos jugales et eo-*  
 „ *rum heredes in monte & super montem de Budrio*,  
 „ *que pervenire debeant dicto D. Fresco et ejus here-*  
 „ *dibus*, et nihil ad dictos *D. Nicolaum, Leonardum,*  
 „ *et Morandum fratres*, nec ad *eorum heredes etc.*  
 „ *Renunciantes etc. Promittentes etc. ac jurantes etc.*  
 „ *sub pena dupli etc. quasoluta vel non etc.*

Dñi Castri Castellerii una cum eorum Castro, quod  
 solo æquatum est, jam a sæculis desiere; Cucanei adhuc  
 in pluribus Familiis vigent. Notandum, quod pacta hæc  
 sunt inita cadente sæculo XIII, anno scilicet 1303. Un-  
 de aperte demonstratur; non solum eo sæculo, ut alibi,  
 servos in Forojulio non cessasse, sed immo ita vuisse,  
 ut de utilitatibus, ex eis in sequenti sæculo XV. spera-  
 tis pacisceretur; de quo subius.

Sed cur per omnes contractuum species, qui ab-  
 bundant, excurro, ut palam faciam Homines hos no-  
 stros de *Mafnata* semper fuisse servos, et infimæ condi-  
 tionis, cum essent glebæ affixi, et addicti, et cum fun-  
 dis, quibus inhærebant, simul venundabantur, et di-  
 visim, ut bruta cetera, quæ jugo supposita terram fin-  
 dunt, venibant; Res enim jam, ut quisque cognoscit,  
 per se patet; ideo alia documenta, quæ mihi affatim  
 adsunt, præterire, ne longior sim, conveniens existi-  
 mavi.

mavi . Sed cum essent ita suorum Dominorum potestati hi servi dicati , observatione dignum est , eos nihilominus Dominis suis de ipsis fide servanda sacramenta præstitisse , deque in eorum servitio manendo , et se gerendi , ut veros et justos servos , et homines de *Masnata* . Adest notitia hujuscemodi sacramenti , ab ipsis præstari consueti in Notis laudati Nibissii Notarii Glemmonensis , mihi descripta in Apogr. num. 871. quam brevitatis etiam commendatione profero : *Anno Domini MCLXXV. Ind. 111. Die XII. intr. Novembri . Pñs D. Leonardo . Henrico ejus filio . Zojone Sartore &c. Wergendus Muschitan . Gerardus filius q. Magri Conradi , & Zarbus Sartor ad S. D. E. jurarunt D. Candido filio q. D. Candidotti de Glemona tanquam eorum Domino . Sicut Homines de Masnata &c. Alium Glemone in Ecclesia S. Marie . Compendiaria equidem nimis , et brevis est memoria , sive notitia hæc , nec sacramentum proferens per extensum , a quo forte aliquid novi doceremur ; sed quia tunc verisimiliter hoc erat obvium , et omnibus notum , a Notario prætermissum est . Observandum tamen est , hoc sacramentum in Ecclesia præstari consuevisse , publice scilicet , et ante Aras , majoricum solemnitate , qua nunc plerumque in hisce actis non utimur . Ceterum non omnino difficile est , conjectura assequi , servorum cognita conditione , quale fuerit sacramentum hoc ; præsertim cum in Ecclesia præstari consueverit , ad majorem firmitatem . & jurantis obligationem . Nescirem tamen , an omnes , et semper servi hujuscemodi Dominis se sacramento obstringerent ; forsitan ii tantum id faciebant , quos recens acquisiverant , vel se sponte ipsis tunc se subdiderant .*

Aliquando etenim alia , vel alia de causa liberi homines , et ratione adducti , se Domino alicui sponte in servitio , etiam de *Masnata* , subiciebant , et , quod mirer,

miror, non homines liberi solum, verum etiam nobiles, certe desperatione ducti, id agebant; ut ex charta, quam profero, discere mihi contigit; quam ex notis laudati Nibissii quondam in mea Apogr. transtuli numero 72.

„ Anno MCCLXXII. Ind. xv. Die III. exeunte  
 „ Madio. Pñs D. Pitufio de Artenea. Pizapano ejus filio. D. Johanne Sacerdote in Artenea.  
 „ D. Hengalperto de Ragonia. Drusumerio de Artenea. Sandone Pivadore. et al. *Cono filius D. Brunonis quondam de Artenea* confessus fuit, se non facere per violentiam, sed ex pura voluntate et bona conscientia, *jurans ad sancta Di quatuor Evangelia* per sacramentum sibi prestitum per se, & heredes suos ex ipso descendentes, *D. Mathie de Glemona* recipienti pro se et fratribus suis absentibus, *Quod famulum esse, & eorum Hominem de Masnata*, et quod eis et bonis eorum portabit fidem et legalitatem, *tanquam homo famulus de Masnata teneatur suo domino facere & obedire.* Actum in Castro Prambergi.

Cono hic, filius Domini Brunonis, erat ex antiquissima, et nobili Gente dominorum castri Artenez; quos ejusdem illustris Stemmatum cum Comitibus Artemburgensibus in Carinthia affirmat Wolfgangus Laxius de Migr. Gent., et nihilominus jurat, se futurum hominem de Masnata non solum, verum etiam famulum, idest servum, domini Mathie de Glemona, una cum heredibus suis ex ipso descendentibus.

Ex dictis, et adlatis, servos fuisse homines nostros de Masnata planissime constat ita, ut nullius alterius adminiculi ad hanc rem comprobendam opus esse, quisque intelligat. Attamen etiam de *Manumissionibus* aliquid insuper subjungendum; tum ut res per se patens amplius confirmetur, tum ut mores nostrorum antiquorum

quorum varios, et non omnibus communes, in hac antiquitatis parte palam fiant.

## V I.

*De Manumissionibus.*

Variz hac in provincia fuere *Manumissionum* species; aliz enim erant ratione intentionis, et causz, quibus moti domini servos libertate donabant; et rursus inter se erant diversz propter variam verborum vim, et formulas, modos, seu cærimonias, et ritus, quibus eæ peragebantur; plerumque convenientes, et accommodatz ad palam demonstrandam, et confirmandam libertatem, quæ jam conceptis verbis data erat in Tabulis. Sed singula harum specierum quoque in plura, ut ita dicam, individua subdividitur, quod facile ex ipsarum Manumissionum documentis deprehendemus. Non enim omnes formulæ, ritus, et mores, nec semper eadem causa, et ratio manumittendi in singulis manumissionum instrumentis servata est; aliquando namque plures simul, aliquando pauciores, et aliquando una tantum Formula in ipsis Tabulis conscribendis servata est. Nos hic instrumentum producemus, sive Tabulas Manumissionis unius, quæ causas plerasque, propter quas servus libertas concedebatur, exprimit; et insuper ritus varios continet, qui tam in verbis instrumenti, quam in facto dandæ libertatis antiquis nostris erant in usu frequentes. Hoc scelegimus documentum inter plura, quæ nobis adsunt, Manumissionum instrumenta, et descripsimus in nostris Apogr. numero 873. ex originali Pergamena manu Johannis q. Aylini Notarii de Maniaco, et Chronographi nostri Forojuliensis, apud laudatissimum Abbatem Binium cubante.

D. Simon q. D. Pirinzoli de Maniaco manumittit Nicolaum q. Amici Musæ de Maniaco Hominem de Masnata, dato sacramento. Anno 1357.

Anno

„ Anno Domini MCCCLVII. Ind. x. die III. ex-  
 „ eunte mense Augusti . Pñs Discretis Viris Do-  
 „ minis presbyteris Martino et Nicolao Vicariis ple-  
 „ bis Maniachi . Presbytero Petro Vicario Plebis Le-  
 „ stani. Ac Nobilibus Dominis Bartholomeo q. D. Gal-  
 „ vani . Ven. Viro D. Fratre Utussio custode Aule  
 „ S. Quirini . Odoricho ejus fratre q. D. Volveni .  
 „ Bartholomeo et Candido fratribus q. D. Odorigosii .  
 „ Antonio q. D. Jacobi de Porta . Articho filio natu-  
 „ rali predicti D. Bartholomei omnibus de Maniaco .  
 „ Ac Moreto q. D. Walterii de Meduno . Laurentio  
 „ filio Mag. Francisci dicti loci . Leonardo ejus fratre  
 „ nunc habitante in Maniacho . D. Zanino q. Odoriel-  
 „ le de Montere galli . et Johanne q. Bartholomei dicti  
 „ loci testibus &c. Qui Hominem sibi subiectum  
 „ in hoc seculo liberum et absolutum dimittit. eandem  
 „ remunerationem in futuro seculo a Deo merebitur .  
 „ Ideoque nob. Vir D. Simon q. D. Pirinzoli de Ma-  
 „ niaco nunc habitans in Portunaone per se etc. [1] *pie-*  
 „ *tatis intuitu* et ob remissionem suorum peccatorum ,  
 „ et predecessorum suorum , ac etiam [2] *propter gra-*  
 „ *ta servitia* et obsequia , que ipse recepit a Nicolao  
 „ q. Amici Muse de Maniacho [3] *suo Homine de Ma-*  
 „ *snata* . Eundem Nicolaum suum hominem de Ma-  
 „ snata cum omnibus suis heredibus , seu liberis mas-  
 „ culis et feminis, tam natis quam nascituris, sibi etiam  
 „ pertinentibus et spectantibus , cum toto suo peculio  
 „ [4] et omnibus ejus bonis , tam presentibus quam et  
 „ futuris. Manumisit ac liberavit [5] *ab omni jugo et vin-*  
 „ *culo servitutis*. quo sibi astrictus erat, seu astringi pos-  
 „ set. Et ipsi Nicolao suisq. filiis et heredib. , tam ma-  
 „ sculis quam feminis natis et nascituris , et cuilibet  
 „ eorum [6] *Libertatem puram* secundum usum et con-  
 „ suetudinem Romanæ Civitatis et Aquilegen. Eccle-  
 „ siæ , dedit et tradidit . Ipsumque Nicolaum cum pre-  
 „ dictis



„ diſtis ſuis liberis et heredibus maſculis . et feminis ,  
 „ tam habitis quam habendis , et toto eorum peculio ,  
 „ et omnibus eorum bonis mob. et immob. preſentibus  
 „ et futuris , ſibi pro medietate pertinentibus . Tam  
 „ heredes quam bona . quam heredes et bona dividi  
 „ debent cum D. Ofwaldo q. D. Almerichi de Mania-  
 „ co ibidem preſente . [7] *Donans* et dans pure . me-  
 „ re . et libere . et titulo irrevocabilis *Donationis* . que  
 „ dicitur inter vivos . que nullius ingratitudinis of-  
 „ fenſa . fraude ſive cauſa revocari poteſt . [8] *Sanctæ*  
 „ *Aquilegenſi Eccleſiæ* eundem Nicolaum . Nec eum  
 „ aut ejus filios ſeu filias natos et naſciturus ab ipſa  
 „ Aquilegenſi Eccleſia [9] *alienare* valeat . Sed ſemper  
 „ in *ejusdem Eccleſiæ Dominio* , poſſeſſione , et tenuta re-  
 „ maneant . Eximens eciam prediſtum Nicolaum et om-  
 „ nes ejus filios et filias preſentes et futuros penitus .  
 „ et dimittens nunc et in perpetuum a ſua [10] *pote-*  
 „ *ſtate* , & *Dominio* , & *tenuta* . Et ab omni conditione  
 „ et gravamine . ac eciam [11] *operarum* impoſitione .  
 „ tam *obſequialium* . que conſiſtunt in faciendo . ut in  
 „ aſſurgendo ſalutando et hujusmodi . tam eorum que  
 „ conſiſtunt in non faciendo . ut puta de non vo-  
 „ cando in jus Manumiſſorem venia non petita . et a-  
 „ liorum omnium tam *artificialium* quam *fabrilium* .  
 „ Et ab omni [12] *ratione adminiſtrationis* reddenda .  
 „ quam geſſerunt in ſervitute . Inſuper remiſit ex hac  
 „ hora ipſis Manumiſſis . et eorum cuilibet omnia jura  
 „ [13] *patronatus* . que conſiſtunt tam in faciendo quam  
 „ in non faciendo . Ita quod dicti Manumiſſi et eorum  
 „ quilibet . non obſtante aliqua ejus Dominica poteſta-  
 „ te . et ſine aliquo obſtaculo ſervitutis . et ſine ſuo-  
 „ rum heredum et filiorum ac filiarum ſuorum . et cu-  
 „ juſlibet alterius contradictione [14] *contrahere va-*  
 „ *leat* . teſtari . paciſci . et quodcumq. genus ultime  
 „ volun . atis . et judicio intereſſe . Et omnia et ſingu-  
 „ la

„ la facere & procurare tam in judicio quam extra ;  
 „ quod quilibet [15] *sui juris* , seu *Homo Aquilegen.*  
 „ *Ecclesie* facere potest . Promittens quoque prefatus  
 „ D. Simon [16] *ac jurans corporaliter ad S. D. E.* sa-  
 „ crofanctis scripturis tactis &c. se &c. ad hæc obligans  
 „ omnia sua bona presentia & futura , cum refectione  
 „ damnorum & expensarum litis & extra ac interesse .  
 „ dictas Manumissionem . liberationem . & donatio-  
 „ nem . & omnia & singula in hoc instrumento con-  
 „ tenta perpetualiter firma rata grata habere &c. &  
 „ non contrahere &c. Sed dictum Nicolaum manu-  
 „ missum & prefatos omnes ejus heredes &c. dicte A-  
 „ quilegen. ecclesie in ratione legitime defendere .  
 „ manutenere . & in solidum disbrigare , sub pena [17]  
 „ *Novem Unciarum Auri puri* &c. qua pena &c. Cu-  
 „ jus pene medietas cedat Dño Patriarche qui pro  
 „ tempore fuerit , alia vero medietas Manumissis pre-  
 „ fatis &c. In cujus rei testimonium & majorem cer-  
 „ titudinem prefatus D. Simon ipsum Nicolaum tradi-  
 „ dit & assignavit [18] *per manum dexteram* D. Anto-  
 „ nio de Porta testi predicto . volens & mandans di-  
 „ ctus D. Simon , ut ipse D. Antonius vice & nomine  
 „ sui prefatum Nicolaum det & offerat , quandocumque  
 „ voluerit & ei placuerit [19] *super Altare Majoris*  
 „ *Ecclesie S. Marie de Aquilegia* .

Contractus venditionis, & alios plerumque Notarii  
 nostri Veteres , ut moderni , sub testimonio duorum ,  
 vel trium testium tantum conficiebant; sed hic, ritu non  
 ordinario , nec obvio , præsentis conscriptioni hujus  
 Manumissionis quindecim testes adnotantur ; forte quia  
 in ea de hominis agitur libertate , cujus privilegium ,  
 pretium , & nobilitas in homine omne superat pretium ,  
 & privilegium . Mihi in Apogr. n. 4. adest Manumissio,  
 facta anno 1289. 3. Decembris , descripta ex Notis sæpe  
 laudati Nibisii ; qua a D. Wargendo q. D. Conetti  
*Liruti de Servis* &c. E de

de Ofopio libertate donatur Johannes Bagran de dicto loco, præsentibus testibus decem & septem. Indubiè talis numerus testium insuetus libertatis gratia, & favore convocatus videtur.

[1] Intentio, & causa, propter quas plerumque servis libertas concedebatur, erat Religio, & Pietas in Deum, & homines; quibus jungebatur alia pia causa ob remissionem peccatorum suorum, & prædecessorum suorum, ut hic, vel aliis verbis *pro remedio animæ meæ; pro meis peccatis minuendis; ut in futurum veniam Dominus mihi præstare dignetur; pro animæ meæ redemptione; ut ab impiorum consortio erui merear; ut meminit Fontaninius noster in Opusculo Delle Masnade pag. 27. & 28. quod idem significare omnes norunt.*

[2] Sed in nostra Manumissione alia quoque superiori adjicitur causa, scilicet *propter grata servitia, & obsequia* a servo manumittendo præstita Domino suo; quæ tertia causa erat manumittendi. Quartam causam arripio a Manumissione, facta a Balardino q. D. Vvalterpertoldi de Pers anno 1365. die 3. exeunte Decembri, scilicet ejus mensis die 29. quæ mihi adest in Apogr. n. 417. Ibi namque enunciatur, manumissionem primum fieri *amore Dei & Beatæ Mariæ semper Virginis gloriôsæ Matris ejus, & omnium Sanctorum, & Sanctarum; deinde pro anima dicti q. D. Vvalterpertoldi patris sui.* Unde manumissiones quandoque factas eliciamus, quasi eleemosynas, & erogationes pro defunctis, ut a peccatis solverentur, & a pœnis purgantibus liberarentur antecessores manumittentis. Huic quoque quintam appono, quæ fere sola poni deberet in hujusmodi chartis; & est *pretium sui* a servo Domino suo numeratum. Cujus rei exemplum habemus in Manumissione, quam subtus dabimus integram n. 8, quæ D. Candidus de Tricesimo, *pretio vi. Marcharum, & dimidiæ denariorum Aquilegen. definito & recepto,*  
Leo.

Leonardum Coculum Fabrum de Artenea, Jacobum fratrem ejus, & Benvegnutum eorum nepotem cum omnibus ex iis descendantibus a servitio absolvit.

[3] Nicolaus manumissus tantum bis Homo de Masnata appellatur hac in charta, nullibi nuncupatur *Servus*, vel *Famulus*, ut sæpe in aliis chartis; quasi *Hominem de Masnata* dicere, & *Servum*, idem sit, idemque significet; quod quidem mihi certum est, verum fuisse in nostro Forojulio, & ex hac charta comprobatur; non enim manumittuntur, nisi servi. An alibi, vel in Ferrariensi ditione eodem significatu hæc vox fere accepta fuerit, videant alii.

[4] Libertate donatur Nicolaus una cum suis descendantibus tam masculis, quam feminis, natis et nascituris, qui de jure Domino pertinebant, manumissione non intercedente; hic tamen non adjicitur *in perpetuum*, quod aliis in manumissionibus sæpius vidimus; subintelligitur nempe. Et præterea liberatur *cum toto suo peculio, & omnibus bonis, tam presentibus, quam futuris*; quidquid enim acquirebant servi dominis suis acquirebant; qui intuitu benignitatis, et humanitatis, et ut servos demerent, et fideiiores, ac diligentiores redderent, usum et fructum ab ipsis aquisitionum illis concedebant, retento dominio; et proprietate; quam hic in manumissione servo cum libertate quoque concedit, ea se spoliens, et in ipsum eam transferens. Cum vero servi Massarii peculium consisteret, ut vidimus, et esset in brutis domesticis, et pecudibus tantum, servi de Masnata peculium fuisse in omnibus, et de omnibus mihi persuadeo, cum alia quoque immobilia, et agros, annuente domino, possideret, et haberet in peculio.

[5] *Manumissi, & liberavit ab omni jugo, & vinculo servitutis*; In aliis manumissionibus, et in laudata Balardini de Pers dicitur, *ab omni jugo, onere, nebula,*

*seu macula servitutis*. Quod servitus sit *jugum*, *vinculum*, *onus*, nemo non intelligit; et præterea quod sit *macula*, scilicet homini injunctum dedecus, tritum est; quid vero sit *nebula servitutis*, non est omnino obvium. Fontaninius noster in laudato opusculo pag. 29. opinatur, hanc fuisse vestem ita appellatam, quæ servitutis signum servi gestarent; forte non inconveniens opinatio, si vestis hæc species propter colorem, non propter tenuitatem ita fuisset appellata, aut eam apud Petronium mulieres non gestarent, vel de servis Romanorum, non de barbaris hic ageretur. Cum formula nostra dicat, *nebula seu macula*; mihi videtur *id nebula* idem plane importare in proposito, ac *id macula*; ut enim maculam inquinare, et deturpare corpus, vel vestem, vel aliud scimus, ita nebulam obscurare, et obtenebrare diem videmus; quibus translatis nihil aliud significari a scribentibus voluisse, mihi videtur, nisi inquinatum, et obtenebratum hominis statum, et conditionem originalem a servitute. Unde Plautus in *Pœnulo* Act. 1. scen. 11. vers. 1. 62. hac voce *nebula* est usus, ut rem vilissimam designaret.

Cujus ego vel *Nebulæ* cyathos septem nocteis non emam.

[6] *Libertatem puram secundum usum, & consuetudinem Romanæ Civitatis, & Ecclesiæ Aquilegen. dedit & tradidit*. Ex hisce verbis nescio quid involutum, immo rationi non consonum, et veritati contrarium, mihi subolere videtur. Quomodo enim libertatem Romanorum Civium, cum libertate subjectorum Aquilegensis Ecclesiæ copulari possit, non video. Norunt enim omnes, quæ fuerit Romanorum Civium libertas, qui vere, et pure liberi pleno sui dominio gaudebant non solum, sed aliis quoque liberis populis jura dabant, qui eorum jussis, et præceptis parere pro honore singulari, et prærogativa ducebant. Norunt omnes, quan-  
ta in

ta in Italiæ urbibus primum, deinde in ceteris orbis Romani Civitatibus fuerit cupiditas, et desiderium Romanæ Civitatis, idest libertatis, adipiscendæ; quamvis ipsæ sua libertate, suisque honoribus, Romanis annuentibus, libere fruerentur. Nescio quid igitur erat amplius in libertate Romana, nec quæquam libertas, cujuscumque fuerit, Romanæ erat comparanda; multo minus igitur ea, qua subditi Aquilejensis Ecclesiæ erant præditi. Sphalma fuit igitur hujus nostræ Manumissionis, vel Formulæ, qua Notarii nostri, seu Tabelliones in hujusmodi instrumentis conficiendis utebantur; vel error, et ignorantia Notarii ipsius, qui, quæ non novit, an forent similia, ut similia perperam sub una dictione conjunxit. Et equidem rem ita fuisse, nos certos reddit Manumissio, quam hic exhibere operæ pretium existimo; cum non solum ex ea, quæ Formula, et ritus tunc fuerit libertatis Romanæ a domino servis suis concedendæ; verum etiam quæ personæ, honestiores etiam exercentes professiones, sub servitutis jugo premerentur, depræhendamus. Ipsa Apographa in meis Ms. cubat tomo XVIII. pag. 52. b.

D. Rizzardus q. D. Mainardi Comititis de Prata manumittit servum D. Martinum jurisperitum, ei dans libertatem Civis Romani. Anno 1384.

„ Anno Domini McccLxxxiiii. Ind. Die &c.  
 „ Prate. Pñs &c. Nob. Vir D. Rizardus q. nob. Viri  
 „ D. Meynardi Comititis de Prata asserens & dicens,  
 „ *Sapientem Virum D. Martinum jurisperitum filium*  
 „ *q. Bernardi q. Antonelli de Prata servum suum esse,*  
 „ & vinculo servitutis astrictum. Volens & cupiens,  
 „ sic & in quantum dictus D. Martinus nexu *Servi-*  
 „ *tutis, vel Ascrititiæ conditionis, seu alio quoquo*  
 „ modo foret aliquialiter obnoxius &c. *Intuitu pietatis*  
 „ & misericordie sibi facere gratiam specialem, per  
 „ se &c. dedit concessit & tradidit mihi Notario reci-

„ pienti vice & nomine dicti D. Martini , & aliorum  
 „ omnium descendendum ex eo , *Meram puram & ex-*  
 „ *emptam libertatem secundum modum & usum Civita-*  
 „ *tis Romanæ* , liberans & absolvens eos & eorum  
 „ quemlibet a sua dominica potestate , & ab omni vin-  
 „ culo servitutis , vel alterius conditionis , quo sibi es-  
 „ sent aliquo modo astricti vel obligati . Denunciens eos  
 „ *Cives Romanos liberos atque ingenuos, atque restituens*  
 „ *eos natalibus primævis & juri ingenuitatis , quo non*  
 „ *erat manumissio introducta , cum servitus esset incogni-*  
 „ *ta* . Ita & taliter quod amodo d. D. Martinus &c.  
 „ possint & valeant libere in judicio stare &c. Contra-  
 „ ctus quoslibet , Testamenta , Codicillos &c. facere  
 „ & celebrare &c. ac etiam contra dictam Manumissio-  
 „ nem &c. Relaxans eisdem & cuilibet ipforum omne  
 „ *jus Patronatus* , & omnia obsequia , tam in faciendo  
 „ quam in non faciendo constituta , & omnes *operas*  
 „ *tam fabriles & artificiales quam obsequiales* . Insuper  
 „ dedit &c. totum *Peculium* , & omnia & singula bo-  
 „ na mob. & immob. &c. Promittens &c. Remit-  
 „ tens &c. Pro quibus omnibus & singulis observan-  
 „ dis obligavit d. D. Rizardus omnia sua bona &c.

Ex Notis Jacobi q. Meynardi de Sclufa Not. &c.

Nulli mirum sit , jurisperitum hoc Documento a  
 præstatione operarum obsequialium , Fabrilium , &  
 Artificialium absolvi ; servus enim erat , & a servis o-  
 peræ hæ dominis plerumque debebantur. Nec torquean-  
 tur ii , qui Medicam artem a servorum quondam exer-  
 citio eximere conantur , cum honestiorem jurispruden-  
 tiæ scientiam a servo professam intueantur .

[7] *Donans & dans pure &c. & titulo irrevocabilis*  
*Donationis &c.* Manumissiones , quæ intuitu pietatis ,  
 amore Dei , in peccatorum remissionem , & pro defun-  
 ctorum animabus fiebant , titulo Donationis inter vivos  
 plerumque fiebant ; quarum plura exempla sunt ad ma-  
 nus ;

nus ; Ea etenim erat eleemosynæ species, seu Donatio pia , quæ firma & permanens semper stare debet , nec ullo modo revocari potest ; ideo titulo donationis inter vivos perficiebatur , quæ ex sua natura est irrevocabilis , nec unquam aliquo modo , vel ingenio rescindenda ; immo nec vitio ingratitudinis , quæ donationes reliquas plerumque infirmat , ut monent jurisconsulti .

[8] *Donans &c. Sanctæ Aquilegen. Ecclesiæ eundem Nicolaum &c.* Et equidem Donatio irrevocabilis , æternaque esse debebat , quia facta Ecclesiæ , idest Deo , a quo piaculum est repetere ; quod semel datum , & donatum est . Hic erat usitator modus , & formula , Foro-Julien-sium propria , servos manumittendi ; Cum alibi offerebantur , & donabantur servi Ecclesiis , & piis locis , tam a principibus viris , quam a privatis ( ut passim videre est in chartis editis ) ut servi tamen , & ut ea in servitute , qua erant antea primis Dominis adstricti , concedebantur ad eandem locis illis piis servitutem serviendam . Oblatio autem , & donatio , quæ nostra in provincia Ecclesiæ Aquilejensi fiebat , erat revera Manumissio ; nam hac donatione servi libertatem adipiscebantur , ut vidimus ; immo hic erat nostrorum proprius , & frequens mos , & consuetudo suos servos libertate donandi ; quod optime etiam noscitur ex Manumissione , quæ mihi adest in Apogr.n. 86 s. quæ aliis etiam ex causis digna mihi videtur , ut edatur .

D. Candidus de Tricesimo , pretio numerato a Leonardo Coculo Fabro de Artenca , fratre ejus , & nepote , eos manumittit donans Ecclesiæ Majori Aquilejensi . Anno 1288.

„ Anno Domini MccLxxxviii. Ind. 1. Die vi.  
„ intrante Junio. Pñs Popone Calcifice de Civitate  
„ Austria &c. Cum Homines sive Feminas sibi subje-  
„ ctas &c. Ideoque in Dei nomine D.Candidus de Tri-  
„ cesimo pro se & Casata sua &c. precio vi. Marcha-



„ *rum & dimidie denarior. Aquilegen. definito & re-*  
 „ *cepto &c. & in remedio anime sue & omnium suo-*  
 „ *rum parentum, Leonardum dictum Coculum Fa-*  
 „ *brum de Artenea, & Jacobum fratrem ejus, &*  
 „ *Benvegnutum Nepotem eorum filium q. Stephani*  
 „ *fratris eorum &c. a servitio absolvit. Et omnes he-*  
 „ *redes suos ex eis amodo descendentes, & ab omni*  
 „ *jugo servitutis absolutis atque relaxatis penitus di-*  
 „ *misit, dantes & largientes eisdem in perpetuum me-*  
 „ *ram & largissimam absolutionem, ita videlicet ut*  
 „ *amodo sine alio servitutis obstaculo sint integre ab-*  
 „ *soluti, & de Ecclesia Aquilegie. & Civitate, & ab-*  
 „ *solutione uti possint, tanquam ex parentibus Aqui-*  
 „ *legen. Ecclesie nati essent, dando, vendendo &c. &*  
 „ *omnia exercendo, que quilibet Homo Aquilegie*  
 „ *potest agere &c. Et dimisit dictus D. Candidus to-*  
 „ *tum Peculium &c. Promisit &c. sub nomine pene*  
 „ *Quinq. Marcharum puri auri &c. Ad hæc prelibatus*  
 „ *D. Candidus, Leonardum Coculum &c. in manus*  
 „ *Dominici Bujati nominati dedit atque investivit, ut*  
 „ *eos vice Aquilegen. Ecclesie Dno Pathe. vel super*  
 „ *Altare Aquilegen. Ecclesie traderet, & presensaret.*  
 „ *Ita quod nec Domus Aquilegen. nec Patha. aliquis,*  
 „ *nec Provisores sui valeant extra manum Aquilegen.*  
 „ *Ecclesie amplius investire, nec alienare, sed semper*  
 „ *Aquilegen. Ecclesie subjacere teneantur, ipsi & sui*  
 „ *heredes.*

„ Actum in Longeriaco in Ecclesia S. Danielis.

„ Die x. exeunte Junio. Pñs Dñis Simone Epi-  
 „ scopo Fmonen. Bernardo Decano Civitaten. Marti-  
 „ no Brugno Gastaldione Carnee. Leonarducio de  
 „ Civitate Gastaldione Mancani. Magistro Popone Cal-  
 „ cifice de Civitate. Dominicus Bujanus de Artenea.  
 „ nuncius D. Candidi de Tricesimo. ad presentandum  
 „ Leonardum dictum Coculum Fabrum de Artenea.

Jaco-

„ Jacobum fratrem ejus , & Benvegnutum nepotem  
 „ ipsorum , & omnes heredes ipsorum , & ab ipsis de-  
 „ scendentibus *in manu Ven. D. Raymundi Aquil.*  
 „ *Ecclesie Pathe. vel super Altare dicte Ecclesie. Vice*  
 „ *& loco Domus Aquilegen.* ut scriptum est manu mei  
 „ Not. dictos Dominicum nominatum Leonardum ,  
 „ & Jacobum fratres pro omnibus aliis absentibus in  
 „ manus nominati *D. R. Pathe. Aquil.* presentavit  
 „ & consignavit *vice Domus Aquilegen.* Qui dictos  
 „ recepit , & eos *ad obediendum Domui Aquilegie ju-*  
 „ *rare fecit.* Qui juraverunt eidem Dominio obedire .  
 „ Actum Civitate Austrie in Salla Palatii Pathalis.

Ex Notis Bonihomi , vel Bonihominis Not. Gle-  
 monz &c.

[10] Et præterea , ut plene se donasse , & integre  
 ficiant , nec sibi aliquid juris vel minimi in manumisso ,  
 & ejus descendantibus reservasse , aperte , et expresse  
 profitetur Manumittens , se manumissos eximere nunc ;  
 et in perpetuum , et dimittere ab ejus potestate , et Do-  
 minio .

[11] Et ad particulares servorum obligationes de-  
 scendens , amplius profitetur , se illum liberare *ab omni*  
*conditione , & gravamine , ac etiam Operarum imposi-*  
*tione* . A quibus vero *Operis* eum liberet , subjungit ,  
 eas dividendo , in *Obsequiales* , quæ consistunt in fa-  
 ciendo , nempe assurgendo , salutando , et similibus ;  
 et in non faciendo , ut puta de non vocando in jus ,  
 non petita venia , et alia ; Et in *artificiales , & fabriles* ,  
 quæ omnes consistunt in faciendo ea , quæ ruri , vel  
 domi dominus jusserit , quæque late ita extenduntur ,  
 ut unaquæque ars , manuale studium , et labor . Hinc  
 quomodo , et qualiter dominis suis servi nostri fuerint  
 obligati , demonstratur .

[12] Aliud præterea servorum debitum hic memo-  
 ratur ; adstricti erant enim ad reddendam *rationem Ad-*  
*mini-*

*ministratio* earum rerum , quæ a domino ipforum fidei erant commissæ , ipsisque traditæ , ut eas in dominorum utilitatem , et suam meliorare deberent ; unde benemerentes servi aliquandò libertate donabantur .

[13] Et eis *jura Patronatus* remittebantur in perpetuum ; quæ *confiscebant* , tam in faciendo , quam in non faciendo , quicquid ipsis imperabat , vel vetabat Dominus .

[14] Ut exinde ab omnibus servitutis gravaminibus liberati cuncta suæ libito voluntatis agere possent , scilicet *contrahere* , *pacisci* , *testari* , & *quodcumque genus ultimæ voluntatis condere* , sine domini anterioris contradictione aliqua ; & quin ab ejus voluntate , & nutu in aliquo penderent .

Si enim quandoque contractibus , & instrumentorum stipulationibus servi , in sua conditione positi , manus dabant , toti consensui , & voluntati Dominorum suorum innixi id peragebant ; ut ex charta Dationis , vel Locationis ad censum Aquilejensem manu laudati Nibissii , mihi in Apogr. n. 880. quam , ut etiam ritus hic , & formula contractuum , a Forojuliensibus servis patratorem , palam fiat , in lucem proferimus :

„ Anno Dñi MccLxxxxi. Ind. I I I I. Die XII.  
 „ exeunte Mayo . Pñs Cavusio Safantina Calcifice de  
 „ Glemona . Artuico dicto Chacall. de Zegliaco . Pe-  
 „ legrino filio suo . Martino &c. testibus &c. *Nicolaus*  
 „ filius q. *Rachagnini de Prambergo voluntate . pre-*  
 „ *sensia . & consensu sui Domini Pauli Cirioli de Gle-*  
 „ *mona . precio unius Marebe & xx. denarior. Aquile-*  
 „ *legen. diffinito soluto atque in integrum recepto per*  
 „ *se &c. jure Aquilegen. Censui . investivit . tradidit .*  
 „ *ac in perpetuum dedit Prando Fabro de Longergia-*  
 „ *co &c. unum suum Campum Terre arratorie . cum om-*  
 „ *nibus sibi expectantibus circumquaque situm in Ma-*  
 „ *gnano in Valle . firmat in via antiqua &c. Ad habendum*

„ dum &c. *sine contradictione dicti D. Pauli. Nicolai*  
 „ *pred. vel &c.* salvo tamen ipso jure & consuetudine  
 „ *Census Aquilegen. & solvendo annuatim in Nativi-*  
 „ *tate Dñi dictus Prandus &c. VII. Veron. parvulos in*  
 „ *Alluminacione Ecclesie S. Marie de Artenea pro a-*  
 „ *nima q. D. Ceninoti de Pramberg.* Insuper dictus  
 „ *Paulus & Nicolaus in solidum stipulatione solepni*  
 „ *promiserunt &c.* sub pena dupli dicte bonitatis Ter-  
 „ *re &c.* Nuncius Tenute Artuicus dictus.  
 „ Actum Glemone ante domum Nicolai Supagan.

[15] Et denique ea agere, quæ quilibet sui juris, seu Homo Aquilegensis Ecclesie facere potest. Homines hi Aquilegensis Ecclesie nuncupabantur quoque *Diesmanni*; ut mihi videtur a Teutonicis vocabulis *Diest*, & *Mann*, quæ significant *servitii Hominem, vel Homo servitio, vel Ministerio alicujus addictus*. Unde *Diesmanni* appellabantur Ecclesie Aquilegensis, cui servi manumissione offerebantur, & donabantur; & ita illi Ecclesie in subjectionem, servitium, ac ministerium affigebantur, ut nemo ab ejus Dominio, potestate, & possessione, nec per Feudum, nec per quamcumque aliam alienationem ulla ratione eos avellere poterat. Et equidem hujus vocabuli *Diesmanni* significationem, quam ei ex Teutonico dedimus, mirifice confirmat Manumissio, peracta anno 1259. 8. Aprilis a D. Gabriele de Pinzano Andreæ servi sui, quæ ex Protocollo Anonymi Notarii Glemonenfis legitur in meis Apogr. n. 877. ubi hæc habemus: *ut amodo sit liber, & liberam habeat facultatem eundi. placitandi. vendendi. seque defendendi. contrahendi. adque omnia faciendi, ut Ministerialis Domus Aquilegie.* unde plane patet, idem tonare *Diesmannum*, ac Ministerialem Domus Aquilejæ, scilicet Hominem ejus Domus, sive Ecclesie servitio, vel ministerio dicatum. Quia autem hujuscemodi servos, priusquam eos offerent, & donarent,

a qua-

a quacumque servitute, qua dominis tenebantur, manumissione erant liberati, & liberi erant vere; ideo Diesmanni istius Ecclesiæ nostræ, idest Homines ejus servitio, vel Ministerio dicati, vocantur *Diesmanni liberi* quandoque in Manumissionibus, & in sua potestate positi. Cujus appellationis exemplum habemus in Manumissione mihi in Apogr. n. 879. quam propter alia etiam observatione digna hic edendam decrevi.

D. Lappus Amidei de Florentia habitator Glemone næ manumittit Pellegrinam, & alios suos servos, eos faciens Diesmannos Aquilejen. Ecclesiæ. Anno 1324.

„ Anno Dñi Mcccxxiiii. Ind. vii. Die xxii.  
 „ intrante Octobri. Pñs D. Hermannò Not. Lamberto  
 „ de Amideis de Florentia. & Petro filio Zuzii de  
 „ s. Geminiano de Florentia. Nicolao Rubini. Jacobo  
 „ filio Conradi de Macellis &c. Dignum &c.  
 „ D. Lappus Amidey de Florentia habitator Glemone  
 „ pro se &c. dedit &c. & investivit. & ab omni jugo  
 „ servitutis in perpetuum liberavit Pellegrinam uxorem  
 „ Wecili de Trava de Carnea &c. & ejus heredes  
 „ &c. Ita quod in perpetuum dicta Pellegrina &  
 „ sui heredes &c. possit & valeat. tanquam liber. &  
 „ ab omni jugo servitutis exemptus ire. stare &c. emere.  
 „ vendere &c. Dans predictus D. Lappus pro se &c. &  
 „ constituens suum Procuratorem & Nuncium specialem  
 „ Jacobum q. Conradi de Macellis &c. ad dandum  
 „ & offerendum super Altare S. Marie de Aquilegia  
 „ dictam Pellegrinam &c. Ita tamen quod aliquo tempore  
 „ aliquis Patha &c. non possit ipsam P. &c. molestare  
 „ vel petere in aliquo. Sed tanquam alius Diesmanus  
 „ Ecclesiæ Aquilegensis. qui esset liber in sua potestate.  
 „ Promittens d. D. Lappus &c. in pena x. March. puri auri. &c.  
 „ Actum Glemone ante stationem dicti D. Lappi.

Ex

Ex Notis Francisci Sibelli Not. Glemonæ &c.

Non est obiter prætereundum, quod hac in Manumissione, quamvis Diesmanni vocabulum, hominem certo servitio, & ministerio obligatum demonstret ex verbi Teutonici vi; nihilominus adijciatur conditio, seu pactum, vel inhibitio, quod a nemine, neque ab ipso Patha. aliquo tempore Diesmannos hosce *molestare vel in aliquo petere possit, sed sint liberi in sua potestate*; quod equidem ipsi vocabulo repugnare videtur. Sed intelligendum censeo, quod non molestentur, neque in alio petantur manumissi, secundum exactam servitutem, vel servitutis antea facta ratione habita; subjectionem autem, & ministerium præstent, quo quisque liber, & nobilis quoque Patriarchæ tenebatur, & ejus Ecclesiæ, ut Dominæ hujus provinciæ, & imperanti.

Adhuc vero horum Diesmannorum umbra in Montana, sive Alpina nostri Ducatus parte, quæ Carnea appellatur, mihi vigere videtur; ibi enim quidam Familiarum numerus, hic, vel illic commorans, quæ hoc nomine Diesmannorum nuncupantur, forte ex his antiquitus manumissis, & Diesmannis Aquilejensis Ecclesiæ declaratis provenientes. Hæ quidem se aliquibus prærogativis præditas glorientur, & quasi nobilitate, certe libertate supra ceteras præcipua; parere enim transacto tempore Communitati Tulmetii recusarunt; cujus jurisdictioni, tam civili, quam, ut ajunt, criminali omnis hæc Regio ex Principum concessione subesse debet; præferentes, se nulli alii subditos esse, aut teneri, nisi Ecclesiæ Aquilejensi, aut ejus Vicegerenti, cui, ut vidimus, subesse hos Diesmannos manumissos tantum, & unice debere, compertum est, ex vi harum Manumissionum. Quibus autem prærogativis Diesmanni isti a ceteris Carneæ regionis familiis, & hominibus liberis distinguerentur, ignoro; nec amplius scio, quam quod illi Taleas quondam, ut ceteri Pa-

Patriæ Feudatarii , solvebant ; sicuti præstiterè omnes simul , ut unum Corpus , anno 1414. pro Oratoribus , qui ad Concilium Constantiæ ab hac Patria missi fuere , Virgilio de Virgillis ad harum Talearum exactionem deputato . Et præterea , quod aliquas agri particulas Feudi nomine singuli possident , quæ passim inter ipsos comprovinciales alienantur ( quod eas sapere Feudi Minoris naturam demonstrat ) ex quibus alienationibus quisque vel privilegio , & prærogativis Diesmanni spoliatur , vel induitur . Nisi vero me conjectura fallit , Feudatarii isti Diesmanni erant ex illis Manumissis , quibus statim post manumissionem , vel in ipsa manumissione immobilia ad Feudum *Habitantia* concedebantur , vel a domino manumittente , vel a Patha. vel ab alio ; ut in Manumissione Cardinalis Pilei de Prata vidimus , & in Manumissione , quam nunc profero , palam fit . Ipsa legitur in meis Apogr. n. 874. ex autographo manu Johannis de Lupico Notarii , quod possidet humanissimus , & amicissimus Abbas Binius , descripta .

D. Asquinus de Varmo resignat Gontardum cum aliis suis servis de Masnata Gregorio Pathæ. Aquil. eos manumittens , eisque Terras ad rectum Feudum *Habitantiæ* concedens. An. 1269.

„ MccLXVIII. XII. Ind. Apud Civitatem in  
 „ Camera Patriarchali Die VII. exeunte Januario .  
 „ Pñs D. Wenz. Abbate Belliniensi . D. Johanne Archidiacono Aquilegen. D. Matthia de Rivarotta ,  
 „ Marquardo de Regonia fratre ejus . & Rapotto de  
 „ Pulcinia testibus &c. D. Asquinus de Varmo  
 „ constitutus in presentia Ven. Patris D. Gregorii Dei  
 „ Gra S. Aquilegen. Sedis Pathe. &c. se &c. pro anime sue ac parentum suorum remedio , libere mere  
 „ & pure , dedit & assignavit Gontardum presentem filium q. Adalpretti de Varmo , & Mariam uxorem  
 „ ejus

„ ejus & filios ipsorum , scilicet Franciscum filium ,  
 „ & Indiam filiam , & Conradum bastardum filium  
 „ ipsius Gontardi absentes tanquam presentes , suos  
 „ servos & homines de Masnata . In manibus Ven. pa-  
 „ tris D. Gregorii D. G. Pathe. Aquilegen. recipientes  
 „ nomine & vice Aquilegen. Ecclesie , Absolvens eos  
 „ per se &c. ab omni vinculo servitutis &c. Et dimit-  
 „ tens eidem Gontardo &c. omnia sua mobilia & im-  
 „ mobilia &c. Preterea decem & octo Campos Terre  
 „ sitos juxta Varmum , octo Decimales in villa de Var-  
 „ mo sitos , & Nemus quoddam situm juxta Villam de  
 „ Varmo prope Aquam , que dicitur Gran . Quos Cam-  
 „ pos & Decimales & quod Nemus supradictus D. Af-  
 „ quinus per se &c. ipsi Gontardo &c. ad rectum Feu-  
 „ dum Habitantie juxta consuetudinem Terre Forojulii  
 „ de sua tenuta manu propria investivit . Ita ut ex nunc  
 „ in perpetuum predicti Gontardus uxor & filii & eo-  
 „ rum posteritas esse debeant Case Dei Aquilegensis .  
 „ Et nemini persone Patriarchali , qui fuerint pro tem-  
 „ pore , & ipsi Case Dei Aquilegensi teneantur in ali-  
 „ quo respondere .

Hic ex Formula Manumissionis , & verborum vi  
 revera liberum Diesmannum planeprehendimus ,  
 quamvis expresse hoc nomine in charta non compelle-  
 tur ; offertur enim , & per manus Patriarchæ donatur  
 Ecclesiæ , & Domui Aquilegenſi , ita quod nullus Pa-  
 triarcharum , nec ipsa Casa Dei Aquilegensis ab ipso  
 nomine servitii aliquid petere possit , nec libertus ipsis  
 in aliquo servitio respondere teneatur . Quæ hic dicitur  
 Casa Dei , aliis in Manumissionibus Domus Dei vocatur ,  
 quæ idem significat , scilicet Ecclesiam Dei Aquilejen-  
 sem . Ex hac Domus appellatione , quæ passim in char-  
 tis Ecclesiæ inditur , originem mihi videtur duxisse  
 Italicum nostrum verbum Domo , quo vulgari , & usi-  
 tato sermone Ecclesiam Majorem , in Civitate , vel  
 oppi-



oppido existentem demonstrare solemus ; nec inconveni-  
niens vocis origo .

[16] Cum manumittentes ad ea observanda , quæ in  
manumissione sponponderant , plerumque sola bonorum  
suorum obligatione essent contenti , plus libertis ad sui  
securitatem , etiam non petentibus , Manumissor no-  
ster tribuere voluit , & insuper facere , jusjurandum  
præstans solemne ; quod liberationem , & donationem  
illorum factam Ecclesiæ Aquilejensi firmam & ratam  
non observabit solum , sed etiam defendet .

[17] Et id sub pœna *Novem unciarum puri auri* ,  
*cujus pœne medietas cedat D. Patbæ , aliam medietate*  
*sem manumissis solvat* . Nescio quid observatione di-  
gnum numerus , & pondus hujus pœnæ mihi innuere  
videtur . Alibi vidimus , in pœnis hisce imponendis  
antiquitus Francos , & nostros Forojulienes tot auri ,  
vel argenti pondera , sæpius quam tot nummos ponere  
consuevisse . Hoc idem hic fastitatum conspiciamus ;  
uncia etenim ponderis , non nummi proprium est vo-  
cabulum . Sed cum aliis in manumissionibus pœna sit  
plerumque Librarum auri , non unciarum , & in ea ,  
quam subtus producemus , pro manutentione liberta-  
tis unius tantum Libertæ , sibi manumissor pœnam  
xx. Librarum auri imponat ; mirari subit , hic Novem  
tantum auri unciarum pœnam , modicam & parvam ,  
imponi ; Nec rationem , cur id ita factum , intelligo .  
Hariolando tamen dicerem , novem hic fuisse servos li-  
bertate donatos , quibus forte pretium erat Novem Un-  
ciarum auri , in singula capita uncix pretio constituto ;  
ideoque eorum valoris pœna est imposita , ut tantum-  
dem Manumissor perderet contrafaciens , quantum ser-  
vi ipsi in servitutem revocati perdidissent , personarum  
suarum scilicet æstimationem . Si conjectura hæc non  
arridet , verisimiliorem , & convenientiorem proferen-  
ti manus dabo .

Nuncius

[18] Nuncius *Tenuta* datur testis D. Antonius de Porta, qui Manumissum, vel Manumissos ad Altare Aquilejensis Ecclesiæ offerat. Nec est obvium in hujusmodi nostris chartis, quod Manumissor resignet, seu tradat Nuncio Libertum *per manum dexteram*. Sed cum servus, quando libertate donatur, dicatur *e manu missus* a Domino; id actum a nostro Manumissore intelligimus per manum dexteram, cum Nuncio libertum Altari offerendum traderet, ad implendum ritum & morem ea manu in traditione utendi; cum ipsa plerumque fausti, felicisque ominis habeatur.

[19] Offerat autem, *quandocumque voluerit*, vel Nuncius, vel Libertus *super Altare majoris Ecclesiæ Sanctæ Mariæ de Aquilegia*. Oblatio hæc super Altare non uno, eodemque modo semper fiebat; aliquando namque (ut factum puto in hac nostra Manumissione) Libertus per manum, vel a Manumissore, vel ab ejus Nuncio, ut plerumque, ducebatur ad Altare Aquilejense, & ibi super Altare ipsum eum sistebat; indequæ Diesmannus dictæ Ecclesiæ, plene liber, abibat. Quod depræhendimus ex charta oblationis, quam damus; in qua expresse affirmatur, præter oblationem, *Positionem* actu fuisse factam Manumissi super Altare a Nuncio dato a Manumissore. Mihi adest in Apogr. n. 134. illuc relata ex Jacobo Magistri Pellegrini Notarii Gemonæ.

Oblatio Altari Sabbatæ de Tulmetio, manumissæ a D. Gerardo de Castello, facta per D. Matthæum de Brazaco Nuncium datum an. 1322.

„ Anno Dñi Mcccxxii. Ind. v. Die xiiii. intrante  
 „ Julio. Pñs D. Ambrosino Mansionario Ecclesiæ  
 „ S. Mariæ majoris Aquilegen. D. Africano. D. Federico. & Henrico filio D. Varneri de Castellerio.  
 „ Galvano de Carvaco testibus &c. Cum nob. vir  
*Livuti de Servis &c.* F D. Ge-

„ D. Gerardus q. D. Federici de Castello *manumissi-*  
 „ *sisset* &c. Sabatam filiam Petri dicti Ferrarii de Tu-  
 „ metio &c. & dedisset D. Mattheum de Brazaco *nun-*  
 „ *cium* ad presentandum oferendum dandum *ponendum*  
 „ *dictam Sabatam super Altari S. Marie Virg. majoris*  
 „ *Ecclesie Aquilegen. &c.* Prefatus D. Mattheus pre-  
 „ sentavit obtulit & *posuit dictam Sabatam &c. super*  
 „ *dicto Altari Ecclesie prelibate*, in signum habite  
 „ possessionis, ut mos & consuetudo est offerendi dan-  
 „ di & *ponendi manumissos, tam masculos quam femi-*  
 „ *nas, super dicto Altari S. Marie &c.* Adum Aquile-  
 „ gie in Ecclesia majori ante dictum Altare.

Aliquando a Nuncio ductum Libertum ad Alta-  
 re, ipsum per manum tenente, ter *circum circa* ipsum  
 Altare eum ambulare faciebat; & post hæc dato Liber-  
 to sacramento de *fidelitate*, & *legalitate* observanda  
 D. Patriarchæ, & per eum Ecclesiæ Aquilejensi, i-  
 psam arbitrio suo relinquebat, & libertati. Cujus ri-  
 tus, & cærimoniarum exemplum habemus in charta manu  
 Jacobi q. Ture Notarii Utinensis, mihi in Apogr.  
 n. 569. quam, omisso manumissionis instrumento,  
 subjungo.

Oblatio Leonardi de Villalta manumissi, facta a  
 D. Gambino de Rodan. Canonico Aquilejen.  
 cum trina circumductione circa Altare.  
 Anno 1351.

„ Anno Dñi Mccc. l. Ind. 1111. Die xliiii.  
 „ mensis Aprilis. In Ecclesia Aquilegen. Pñs presbi-  
 „ tero Nicolussio Plebano Aquilegen. Lancellotto de  
 „ Cucanea Mansionario Aquil. Johanne q. Lanfran-  
 „ chini de Utino. & al. Ven. Vir D. Gambinus de  
 „ Rodan. Canonicus Aquilegen. nomine ac vice *Aqui-*  
 „ *legen. ecclesie predictæ obtulit* Leonardum q. Laza-  
 „ rini de Villalta *super Altare S. Marie Aquilegen.*

Qui

„ Qui Leonardus ibidem produxit quodam publicum  
 „ instūn, faciens fidem de Manumissione de eo facta  
 „ tenoris &c. Quibus sic factis dictus D. Gambinus  
 „ duxit eundem Leonardum *ter per manum circum*  
 „ *circa dictum Altare*, delato etiam sibi per me No-  
 „ tarium *sacramento de observando fidelitatem & lega-*  
 „ *litatem D. Tusbe*, & *ecclesie Aquilegenfi*, ut moris  
 „ est, cetera faciendo in signum libertatis & Manu-  
 „ missionis &c.

Aliquando a Manumissore ipso ducebatur Aquile-  
 lejiam ad Altare Libertus, ibique, in ecclesia suæ li-  
 bertatis charta conscripta a Notario, offerebatur Al-  
 tari. Ubi libertus, præstito fidelitatis Ecclesiæ illi  
 servandæ sacramento, liber dimissus unum ex suis  
 Denariis super Altare pro oblatione imponebat in si-  
 gnum libertatis; & exinde solus abibat, quo voluntas  
 ejus ferebat. Etiam hujus Cærimonix, & Formulæ  
 exemplum habetur in Manumissione in Notis supra-  
 laudati Notarii Jacobi q. Turej in meis Apogr. n. 570.

Constantinus filius q. Federici de Castilliro man-  
 numittit Martinum de Ronches servum suum  
 de Masnata, eumque offert super Altare A-  
 quil. Anno 1351.

„ Anno Dñi Mcccli. Ind. iiii. Die xvii.  
 „ Novembris. In Ecclesia Aquilegen. prope Altare  
 „ S. Marie Aquil. Pñs Leonardo filio Minii Clerico,  
 „ presbitero Johanne de Pergamo, prebendatis in  
 „ dicta Ecclesia, Francisco q. Sarazeni Not. de Aquile-  
 „ legia. & al. Constantinus filius q. Federici de Ca-  
 „ stilliro habitans Budrii nomine dicti sui patris &c.  
 „ tamquam Nuncius &c. *obtulit Martinum* q. Vin-  
 „ centii de Ronches juxta Palmatam, olim ipsorum  
 „ *Hominem de Masnata*, quem manumisit idem q. Fe-  
 „ dericus, & *libere eum donavit Ecclesiæ S. Marie*  
 „ *majoris Aquilegie*, super Altare S. Marie majoris

„ Aquilegen. & libere eum donavit eidem Ecclesie  
 „ cum omnibus &c. Et quod amodo nec D. Patha,  
 „ nec Capitulum, vel &c. qui pro tempore essent  
 „ Rectores Aquilegen. Ecclesie possint, vel debeant  
 „ eundem in dicto servitutis honore subjugare. *Qui*  
 „ *Martinus percepto debite Fidelitatis Sacramento in*  
 „ *signum libertatis super dicto Altari obtulit atque di-*  
 „ *misit unum Denarium novum monete Aquilegen. At-*  
 „ *que alia faciens, prout in talibus est fieri consue-*  
 „ *tum.*

Quamvis autem hæc manumissiones in ecclesia pe-  
 ractæ aliquid habeant ritus, & cærimonix peculiaris  
 huic Provinciæ, ut observavimus; nihilominus ta-  
 men hanc manumissionis speciem originem antiquissi-  
 mam habuisse saltem a Langobardis, certiores nos red-  
 dit Lex a Rothari rege sancita, quæ est v. Tit. xxxix.  
 lib. 11. Leg. Langob. ubi hæc leguntur: *Si quis ser-*  
*vum suum, aut ancillam in ecclesia circa altare amodo*  
*liberum, vel liberam dimiserit; sic ei maneat libertas,*  
*sicut illi, qui Frulfreal in quarta manu traditus, &*  
*Amond factus est. Fulfreal, liber significat, Amond,*  
*vel Amund, extraneus.* Nam mores hi servos liber-  
 tate donandi, plerumque a barbaris fluxere Langobar-  
 dis, & aliis, qui pene totam occupaverant Italiam;  
 sed quidam ex his moribus in sua prima origine perse-  
 verantes, sicut in Langobardorum legibus præcipitur,  
 pure, & simpliciter ita peragebantur. Alii vero alte-  
 rationem, ut ita dicam, passi, aliquibus circumstan-  
 tiis adjunctis, vel aliquibus demptis, morem pro-  
 prium illius, vel alterius provinciæ, vel regionis per-  
 ficiebant; quod supra satis perspeximus. Unam etiam  
 ex his manumissionibus, quæ originis Langobardæ  
 morem aliquantulum immutatum servat, adjiciamus;  
 quæ tamen passa est aliquid variationis, adjecto pecu-  
 liari ritu. Ea est Manumissio in quartam manum pera-  
 ctæ,

Et, de qua hæc habet idem rex Rotharis in Leg. 1. Tit. xxxix. lib. 11. citato : *Si quis servum suum proprium , aut ancillam suam liberam dimittere voluerit ; sit illi licentia , qualiter ei placuerit . Nam qui Fulfreal , & a se extraneum , idest Amond facere voluerit , sic debeat facere . Tradat eum prius in manus hominis liberi ; & per Garathinx ( scilicet donationem irrevocabilem ) ipsum confirmet : & ille secundus tradat eum in manus tertii hominis eo modo : & tertius tradat eum in quartum , & ipse quartus ducat eum in quadrivium , & ibingat in gaudia ( idest donet sub vadimonio ) & Gifles ( idest obsides , vades ) testes sint , & dicant sic : de quatuor viis ubi volueris ambulare , liberam habeas potestatem . Si sic factus fueris tunc Amond , ei manebit certa libertas ; & postea nullam repetitionem patreus adversus ipsum habeat , nec potestatem requirendi .* Hæc , quam producimus , omnia ea habet , quæ lex præcipit ; sed pro Garathinx , sive pro Donatione , in ea conceditur serva pro Feudo , & in Feudum in primam , & ceteras manus , & a quarta libera dimittitur . Eam ex Protocollo Nibissii laudati descripsi , & adest in meis Apogr. n. 3.

D. Leonardus de Legio manumittit in quartam manum ad Feudum Dñam Vintam de Marutio . Anno 1279.

„ Anno Dñi MccLxxviii. Ind. vii. Die viii.  
 „ intrante Januario . Pñs D. Luvifino de S. Daniele .  
 „ Brusavilla de Zegliaco . D. Ottolino de Tricesimo .  
 „ Pelegirino Petuli de Glemona . Stefano Rizoto de  
 „ Artenea test. D. Leonardus dictus Franculinus de  
 „ Legio *refutavit* , ac dedit omne jus , omnemque a-  
 „ tionem & rationem &c. quod vel quam habet in  
 „ Dna Vinta de Murutio , Ulvino de Vendoyo ,  
 „ quam ipse D. Leonardus confessus fuit *se habere in*  
 „ Feudo ab ipso Ulvino , & idem Ulvinus hoc peracto ,  
 „ dedit

„ dedit & refutavit ipsam Dñam Vintam *D. Detemaro*  
 „ *de Vendoyo*, quam dictus Ulvinus ab ipso *D. Detemaro*  
 „ habebat in Feudo, ut confessus fuit ibidem,  
 „ hiis autem peractis dictus *D. Detemarus* per se &  
 „ heredes suos, & ejus Casatam *pro remedio anime*  
 „ *sue & parentum ejus liberam absolvit dictam Dnam*  
 „ *Vintam &c.* tanquam nati essent ex libero patre, &  
 „ matre &c. & omnia bona que habet vel sperat ha-  
 „ bere absolvit sibi, & dimisit liberaliter &c. promi-  
 „ sit dictus Detemarus &c. *in pena xx. Marcharum*  
 „ *puri auri*, cui lis movebitur &c.

„ Actum ante portam Castri Prampergi.

Quomodo allata Langobardorum Lex præcipit,  
 ut mutua donatione serva liberanda in quartam ma-  
 num transfret; quia plerumque, ut vidimus, per do-  
 nationem Manumissiones celebrabantur; Ita in hac  
 mutua datione in Feudum, & concessione in quartam  
 manum Vinta transit; quia servi, & servæ plures con-  
 cedebantur in Feudum, & a Pathâ, & ab aliis hac in  
 provincia, & sorte ipsa Vinta inter servos in Feudum  
 concessos connumerabatur; & ideo eodem modo, &  
 titulo libertate donabatur. Nisi affirmare velimus,  
 servos proprios, &, ut ita dicam, Allodiales, manu-  
 mitti in quartam manum per donationem consuevisse  
 in Forojulio; & servos in Feudum receptos in quar-  
 tam manum hoc eodem Feudi titulo libertatem acqui-  
 sisse, fuisse in more.

## VII.

### *De Servis Piscatoribus.*

Antequam manum de Tabulâ detraham, juvat  
 de alia servorum specie, vere et proprie Forojulien-  
 sium, mentionem facere, de quibus nullibi verbum,  
 quod sciam. Ii sunt servi *Piscatores*, quorum non a-  
 liunde noticia mihi contigit, quam ex Thesauro no-  
 stro

stro Aquilejensi , ubi pag. 152. hæc leguntur : Item  
 MccLXI. D. Vallesius Capitaneus Glemonæ nuncius ad  
 hoc constitutus per D. Henricum de Glemona filium  
 q. D. Matthiæ pro se, & Vuolwingo fratre ipsius D. Hen-  
 rici, refutavit, & dedit D. Pathæ Gregorio Ægidium  
 Piscatorem de Ales, & Radiminum filium ejus, atque  
 Julianum, Candidum, Benvenutum, Vidam, & Vovi-  
 zam, Famulos, & Famulas dicti D. Henrici, & Vol-  
 vingi. Sed cujus generis servi isti Piscatores; & cur  
 Domino Patriarchæ refutati? Vox hæc *refutavit* mihi  
 servi Feudalis injicit conjecturam. Volskerus Patha  
 anno Mccxi r. D. Ottoni de Glemona Lacum de Ca-  
 vaz ad rectum Feudum concessit, certis conditionibus,  
 & pactis, & quia D. Otto permutationis nomine eidem  
 Pathæ dederat Mansos apud Castrum Pregrat, & quic-  
 quid in Castro Tiven habebat, tam Terram, quam  
 Masnatam; ut ex eodem Thesaurο pag. 82. constat.  
 Forte cum Lacu concessit Volskerus etiam servos Pi-  
 scatores in Feudum; eos etenim eidem Pathæ *refusus*?  
 Non inverisimilis, nec, ut mihi videtur, inconveni-  
 ens opinatio.

An vero inter servos recensendi sint quidam *Op-  
 erarii*, qui a Patriarchis, ut alia, in Feudum pariter  
 Vassallis suis concedebantur? mihi hæret aqua. Ho-  
 rum operariorum Feudalium non rara mentio est in  
 Thesaurο Aquilejensi, & adhuc quibusdam Feudis no-  
 stris Foro-Juliensibus Operarii isti adhærent; Et, ne  
 longius abeam, mea Familia septuaginta hujusmodi  
 annaliū operarum, vel operariorum jus possidet,  
 concessum alias meis Antecessoribus a Principe una  
 cum Dominio, & jurisdictione Feudi nostri Villefred-  
 æ; quæ Operæ quotannis ab habitantibus præstantur  
 ad libitum. Locum Thesauri pag. 73. profero, ut, si  
 me perspicaciores, & ingenio meliores aliquid certi  
 inde explicare valeant, aliquando producant:



MCCLXXV. D. Warnerius q. D. Mathia de Maniaco pro se &c. confessus fuit habere ab ecclesia Aquilegenſi ad reſum & legale Feudum decem Manſos &c. & XXIIII. Operarios in eadem villa Maniaci. Salvo &c.

## VIII.

*Quando Servi deſierint.*

Hæc habui ad manus, quæ de Servis mediæ ævi in Forojulio curſum effunderem. Superest, ut brevi manu inquiramus, quo sæculo hujuscemodi servi hac in provincia eſſe deſierint. Vergerius in vita Ubertini Carrarienſis, Tom. XVI. Rer. Italic. Script. col. 171. circa annum 1340. hæc habet: *Longestus, erat hereditarius servus, & semper una nutritus; nam usque ad ea tempora propagandorum servorum mos in Italia manserat, qui nunc prorsus abolevit.* Florebat Vergerius sæculo XV. Muratorius in laudata XIIII. Dissertatione ita scribit post aliquas non decisivas auctoritates adlatas: *Uno verbo, sæculo Christi XI. & XII. rareſcere cœpit servorum numerus; rariores fuere quoque sæculo XIII. ac tandem sæculo XIIII. pene apud omnes Christianos obſolevit eorum usus.* Non ita eveniſſe tamen hac in nostra Forojulienſi provincia ex Documentis autographis affirmare poſſumus; perduraſſe enim ſervos hic etiam ſæculo XV. argumenta ſunt ad manus. Cum equidem, ut ſuperius obſervavimus, anno 1393 patra de ſervis communibus inter Dominos inirentur ad dividendam omnem utilitatem, & lucrum ex ipsis, tam in liberis, & deſcendentibus impoſterum proveniens, quam induſtria, & opera manuali, ſuccedente tempore, partum in peculio, & in Terris, continuaſſe etiam ſæculo XV. ſervorum jugum, fateamur neceſſe eſt. Cum autem Manumiſſiones adhuc medio ſæculo eodem XV. peragerentur, res extra aleam & dubitationem poſita eſt; nec hiſcere contra quiſque, ne ver-

verbum quidem , potest . Unam igitur producam  
anno 1440. confectam , seu verius oblationem tunc ec-  
clesiæ Aquilejensi de servis Manumissis factam , quæ  
idem valet . Adest ipsa in meis Apogr. n. 884. descri-  
pta ex Notis Dominici Not. de Glemona , & Cancel-  
larii Aquilejensis .

Oblatio Dñæ Heraſmæ servæ de Maſnata Manu-  
miſſæ Eccleſiæ Aquilejenſi , facta per Nunci-  
um Dñrum Stellæ & Antoniz de Caſtello .  
Anno 1440.

„ Anno Dñi Mccccxl. Ind. iij. Die vero viii.  
„ menſis Septembris . Acta ſunt hec ante Altare Ma-  
„ jus S. Aquilegen. eccleſiæ . Pñs ibidem Ven. Viris  
„ Dñis Psbyteris Petro de Monopoli Maſionario  
„ Aquilegen. Marino Vicario in Porpeto , Tonſo  
„ q. Petri Clerico habitante in Aquilegia , Dominico  
„ q. Zanini de Cervignano , ac Bertrando q. Marti-  
„ ni de Carlino , teſt. &c. *Providus vir Dominicus*  
„ *de Porpeto Utini habitator q. Dominici de Porpe-*  
„ *to Nuncius datus per Nob. D. Stellam q. nob. olim*  
„ *Viri Artichi de Caſtello , & per Circumſpectum*  
„ *Virum Federicum de Valentinis de Utino* procur.  
„ D. Antonie q. preſati Artichi de Caſtello &c.  
„ ad preſentandum & offerendum ad Altare Majus  
„ eccleſiæ Aquilegen. *Providam Dnam Heraſmam*  
„ *q. Nicolaj de Ontognano* cum omnibus ſuis liberis  
„ maſculis & feminis , tam natis quam naſcituris ,  
„ *olim ſervam & feminam de Maſnata Dominarum*  
„ *ſupranominatarum* , nec non *Manumiſſam* ab eis , &  
„ plene traditam libertati , prout de dictis Commiſ-  
„ ſione ſive Mandato , & Manumiſſione patet  
„ publico inſtrumento ſuper inde confecto manu  
„ Providi viri Petri Not. de Utino nati Egr. Magiſtri  
„ Johannis de Fabriano Artium & Medicine Doctoris  
„ ſub Mccccxxvi. iij. Ind. ii. Die Martis xxiij.  
„ *Liqui de Servis &c.* G men-

„ mensis Novembris per me Not. instum viso & le-  
 „ to &c. Prefatam D. Herasman cum omnibus suis li-  
 „ beris manumissam presentavit & obtulit super Altare  
 „ majus Ecclesie Aquilegen. ipsos ducendo trina vice  
 „ circa altare predictum in signum vere & plenarie li-  
 „ bertatis, adhibitis solemnitatibus & ceremoniis con-  
 „ suetis in talibus observari. Promiseruntque prefa-  
 „ ta Herasima & filii super ipso Altari, per me instum  
 „ Not. delato eis & ipsorum cuilibet sacramento, ju-  
 „ raverunt, se cum tota eorum presenti & futura proge-  
 „ nie semper esse legales & fideles Dño Patriarche,  
 „ suisque futuris successoribus, & quod si senserint  
 „ tempore aliquo machinationem aliquam seu contra-  
 „ ctum fieri contra Ecclesiam Aquilegen. seu D. Pa-  
 „ triarcham, posse tenus revelabunt. D. quibus ro-  
 „ gatus fui ego instus pub. conficere instum.

Ad hæc statutum nostrum Forojulienſe antiquius,  
 sive leges Patriæ Municipales, in meliorem formam  
 redactæ, Locumtenente Generali Patriæ Forijulii  
 Marco Dandulo, & ejus jussu editæ, promulgatæ an-  
 no 1429. 20. Augusti, adhuc binas Leges, seu Ru-  
 bricas jam memoratas servant: *De nato ex libero ven-  
 tro pro libero reputando, & contra*; Et *De servo com-  
 muni Manumisso*, quæ notantur numeris CLXXVI. &  
 CLXXVII., quod equidem earum Legum Reformato-  
 res non fecissent, si adhuc servitus in Patria non vigi-  
 ſſet; ea namque deficiente, & ad interitum deleta, ex-  
 pungendæ erant hæ Leges, & antiquis nostris aman-  
 dandæ. Cum autem eadem Leges sub iisdem Rubricis  
 quoque retentæ sint, & editæ iterum anno 1484. U-  
 tini typis Gherardi de Flandria, vulgari idiomate  
 docto nostro Petro Hædo Portunaonio donatæ; nemi-  
 nem negare posse, cenſeo, ſaltem aliquas ſervorum reli-  
 quias ſæculo xv. cadente in Forojulio adhuc ſuperſtites  
 fuiſſe. Quod nemini mirum videri debet; cum ſciant,  
 hanc

hanc nostram Provinciam semper antiquorum morum  
retinentem admodum fuisse , & ultimam ex Italicis  
Langobardorum mores quosdam , & consuetudines e-  
xuisse . L. D. V. M.

FINIS.



5. 6. 521

PHC 10004



da



005652350



CR

